

အပိတပိတျီ။

AWIG-AWIG

၇၃၁၈ အသၢၤဗျီပၣ်

DESA ADAT LIPAH



၇၃၁၈ ၇၃၁၈၂၂ ၸိၣ်သၢၤဗျီပၣ်

DESA PETANG KECAMATAN PETANG

ၸၢၤဗျီပၣ်

KABUPATEN BADUNG

ပံၤမၤ ၂၀၁၈

Om Swastyastu Yanamah Sidhi

Masrana antuk pangubaktin manah, titiang puniki warga krama Desa/Banjar Lipah sareng Sami, sampun pada sumuyug sumungkem turing gilik ingkup mangdane ngardinin saha ngrajegang Awig-awig Desa, Krama Adat ring Desa/Banjar Lipah puniki. Santukan, yaning sampun awig-awig desa adte puniki sami pada rajeg(kukuh) Sinah "Negara Republik Indonesia" puniki pageh kukuh, riantukan Hukum Negara Republik Indonesia pumki wantah madasar sakeng Awig-awig Desa Adat.

Siosan ring punika, marupa malih matambah-tambah garjita manah titiang sareng Sami, riantukan sakeng Pemerintah Daerah, tepengan puniki Pemerintah Daerah Badung taler mikedehang Pisan mangdane awig-awig desa adat puniki digelis kawentenang, saha dulur maweh danm

Awig-awig Desa Adat Lipah puniki karencanayang wantah nganutin Pisan pituduh miwah pituah Pemerintah ingglh punika mangdane mawiwit sakeng Undang-undang Dasar 1945 ", miwah Hukum-hukum sane sampun karajegang ring jagat druene puniki. Sanintanipun mangde sampunang matungkas.

Inggih sadurung titiang muputang atur, pinih riin titiang ngaturang " Pangayu bagia ring Pemerintah Daerah Badung ", atur suksma ring ida dane ipun sareng sami, mangdene ledang ugi maweh panureksa santukan sampun sinah awig-awig Desa Adat puniki banget kirang langkung, tuna luih..

Inggih asapunika puputing atur titiang sareng sami.

Om Santhi Santhi Santhi Om

Lipah,

2015.

DAGING AWIC,-AWIG

MURDHA CITTA	i
DAGING AWIG-AWIG	ii
SARGAH I : TRI LINGGANING DESA	1
SARGAH II :DASAR LAN TETUJON.....	2
SARGAH III :INDIK PAKRAMA.	4
SARGAH IV : INDIK PRAJURU.....	11
SARGAH V • INDIK PARUMAN	16
SARGAH VI : INDIK KULKUL.....	19
SARGAH VII: INDIK SUKERTA TATA	22
SARGAH VIII: INDIK KASUKERTAN PAWONGAN.....	47
SARGAH IX • DRUEN DESA.....	67
SARGAH X : SUKERTA DESA.	61
SARGAH XI INDIK WICARA, PAMIDANDA LAN RERAMPAGAN...	81
SARGAH XIII NGUWAH-NGUWUHIN AWIG-AWIG,,.....	86
SARGAH XII PARAREM MIWAH PASUARA.....	85

Om Awignamastu Nama Siwa Bhudaya, Om Swastyastu. Putusing paseban Krama
Desa Adat Lipah gumawe awig-awig Desa pakraman wastu kasidhan

prayojanan mami kabeh, presama angidep muang amagehaken kadi linging awig-awig iki.

SARGAH 1

TRI LINGGANING DESA

Palemahan Kahyangan muah Desa(Setra)

Paos 1

Palemahan (Madya Lingganing Desa)

I. Desa Adat Puniki mawasta Desa Adat Lipah

2. Jebag kakuwub wewidangan mawates nyatur inggih punika :

- ha. Sisi wetan. : Desa Adat Kerta.
- ha. Sisi Kidul : Desa Adat Petang.
- ha. Sisi Kulon : Desa Adat Munduk Damping.
- ha. Sisi Lor : Desa Adat Sulangai.

3. Desa Adat puniki kawangun antuk 18 paos karang kawis kadadosang 1 (siki) Banjar Adat inggih punika Banjar Lipah.

4. Wates pawidangan palemahan Banjare, kaanggehang antuk paruman Desane.

Pawos 2

Kahyangan (Utama Lingganing Desa)

Desa Adat puniki nyungsung Tri Kahyangan minakadi: Pura Puseh,

Pura Desa / Bale Agung miwah Pura Dalem,

Pawos 3

Setra (Nista Lingganing Dcsa)

Desa Adat puniki ngamong setra I (siki) palebahan minakadi:

Setra ring Lipah.

SARGAH 11

DASAR LAN TETUJON

Paos 4

Desa Adat puniki ngemanggehang dasar:

1. Pancasila.
2. Tri Hita Karana manut Tattwaning Bhuawana agung.
3. Undang-undang Dasar 1945

Paos 5

Luir Tetujon Desa Adat puniki:

1. Mikukuhang miwah ngerajegang Sang Hyang Agama
2. Nginggilang latwa prawertining magama.
3. Ngerajegang Sukertaning Desa saha pawongania sami sekala lawan niskala.
4. Ngerajegang tata saha sangaskaraning pawongan, pamekas ngiket pakulawargan.
5. Ngarajegang kasukertan saraya druening Desa miwah druwen pawongania sami.

SARGAH 111

INDIK PAKRAMAN

Paos 6

1. Sane kabaos Krama Desa, inggih punikajadma sane magama Hindu ngamong Karang Kawis, wiadin madunungan miwah sane magenah netep sajeroning palemahan Desa Adat puniki.
2. Sajaba punika sinanggeh tamiu.

Paos 7

Krama Desa wiadin Banjar wenten tigang paos sinanggeh Tri Angga, makadi krama ngarep, krama panyade, muah krama pangele.

1. Krama ngarep teges ipun jadma sane ngamong karang kawis.
2. Krama panyade teges ipun jadma sane wenten dandanan waris sakeng krama ngarep (1) taler kawastanin pangele ngarep.
3. Krama pangele teges ipun jadma sane madunungan tetep ring krama ngarep wiadin mageneh tetep sajeroning palemahan inucap.

Paos 8

Ngawit dados krama Desa wiadin Banjar kapalih dados 3 paos:

1. Wit ngamongin krama Desa wiadin karang kawis.
2. Wit jenek maputuah wiadin ngrereh pangupa jiwa sajeroning palcmahan Desa
WiadinBanjar Adat puniki. ■
3. Nlalarapan antuk maparabian wit (1) muah (2) ring ajeng,

Paos 9

1. Ngauit tedun makrama Desa nangken ngwarsa (Isaka warsa/nyepi).
2. Ngawit tedun makrama Banjar Adat nangken 42 rahina risampun atur supeksa ring prajuru.
3. Asapunika taler sengker tedun makrama sakeng paos (8) anut sakadi ring ajeng.
4. Yaning wenten jadma madunungan magenah sajeroning palemahan Desa Adat puniki sakirang ipun awarsa patut jadma ika ngranjing makrama Banjar/Desa Adat.

Paos 10

1. Sahanan kulawarga sane magama Hindu tur pastika ngamong karang kawis
Desa sinanggeh Krama Desa.
2. Yan wenten karang Desa/kawis kepeah sane acutak kadadosang kalih, utawi langkungan kulawarga sane nanggap punika patut nedunin makrama Desa.
3. Kulawarga sane magama Hindu sane ngawit pastika jenek mapumahan ring kuwub wewidangan Desa Adat puniki boya ngenahin karang Desa/kawis patut karanjingang manut sulur tur supeksa ring kelian Banjar/Desa.

Paos 11

1. Kulawarga magama Hindu wiwit warga Desa siosan wenang ngranjing makrama Desa/ Banjar Adat, prade pacang jenek mapumahan ring wewidangan kakuwub Desa Adat puniki.
2. Patut atur supeksa ring kelian Banjar sane ngawidangin genah punika.
3. Naur pamopog 50 kg beras.
4. Masengker anut paos 9 (2) ring ajeng sampun katedunang ngayah.

Paos 12

Sahanan warga Desa patut keni ayah. Ayah inucap kapalih dados 4 paos, luire

: Ayah Ngarep, Ayah Pangele, Ayah Balu miwah Ayah Roban,

1. Sane kawastanin Ayah Ngarep inggih punika krama sane nganut paos 7.1.
2. Ayah Pangele anut sakadi paos 7(3), 8.2, 9(4), 10(3) muah paos 11 ring ajeng.
3. Ayah Balu kabinayang dados kalih inggih punika ayah balu ngarep, muah ayah balu pangele.
4. Sane kawastanin Ayah Roban taler wenten kekalih, inggih punika warga Desa sane alit-alit sampun antes ngangon sawatara sampun mayusa 6 warsa wiadin sampun mayusa anom miwah daa, kawastanin ayah Daa/Truna saha Daa/Truna Nyoman.

1. Ayah Ngarep keni urunan wiadin ayahan mepek.
2. Ayah Pangele keni urunan miwah ayahan manut pararem.
3. AY'ah Balu keni urunan mepck, ayahan nyibakin anut ring kawongania. Tegesnia yan balu muani luput ring ayahan luh, wiadin yan balu luh luput ring ayahan muani.
4. Balu taler kabinayang kalih paos, inggih punika balu nglintik miwah balu balu ngempu. Balu Nglintik inggih punika malu sane tan madruc panyade kalih pangele, mungguing ayahan keni nyibakin nanging urunan mepek. Prade balu inucaping arep muah balu ngempu keni ayahan ,muah urunan mepek.

Paos 14

Warga Desa sane sinanggeh tamiu inggih punika kapalih dados kalih paos inggih punika sane magama Hindu muah sane siosan agama Hindu.

1. Sane magama Hindu sinanggeh tamiu sakadi ring sor:

Ngrauhin pakulawargan arep mawarisan, polih tempo salamin ipun kalih wuku.

Ngrereh karya polih tempo 3 dina, langkungan ring punika patut keni bea pacalang (bea kaamanan) manut pararem.

2. Sane seosan ring agama Hindu minakadi:

Mawirasa ring kulawarga pakraman Desa Adat puniki, tur yaning ngrereh pakaryan polih tempo miwah bea pacalang kadi ring ajeng.

- Yening pacang jenek mapumahan ring palemahan sawewengkoning jagat Lipah patut atur supekta ring kelian Dinas rauhing Perbekel kengin ngranjing Banjar Dines.

Mungguing ayahan tur urunan sane keni manut pararem Banjar Dines,

Paos 15

Yaning krama Desa/Banjar Adat seosan ayah-ayah inucaping ajeng luirnia:

1. Dreda asung ring Desa.
2. Tinut saturut ring daging awig-awig, pararem miwah geguat Desane.
3. Tan maren ngutsahayang mangda Desane nyidayang nyujur tetujonia kadi mungguh ring paos 5.
4. Natak panes tis Desane (gilik salunglung sabayantaka).

Paos 16

Swadarmaning Tamiu patut sakadi ring sor:

1. Tinut ring tetuek Desane nganinin indik ngupadi kasukertan Desa ring sekala.
2. Tan wenten nungkasin sapamargin kertin Desane.

Paos 17

Sahanan krama l)esa/Banjar Adat patut:

1. Polih pasayuban prajuru ngarnanggehahg luir tetujon sakadi paos 5 ring ajeng tur kabaosin tnuah kalmukin pamutus sahanan wicaranya.
2. Nyarengin paruman Desa/Banjar Adat saha wenang nyarengin mastikayang.

Paos 18

Mungguing ulih-ulihan seosan sakeng krama Desa/Banjar Adat luirnia: Leluputan pakena-kenan/ayahan manut pararem, kengin nyada-nyada, mapuangkid, nguot:

1. Nyada mapiteges nyelediyinin nyusukin ayahan, tur sane kadadosang nyelediyinin ayahan inggih punika, jadma sane sampun mayusa pinih kedik 1 7 warsa.
2. Nyade mapiteges ngamademang ayah/pakena-kenan riantukan samput lanjut yusa sane masengker 60 warsa wiadin antuk pinunas soang-soang mawiwit sakit-sakitan.
3. Puangkid mapiteges ngluputin ayah Desa anut pararem minakadi duaning:
 1. Mawewangunan pamekas ngeraabin.
 2. Nangun Yadnya.
 3. Matepetin sakit.
 4. Kaluasan/malelungan.
4. Nguot mapiteges ngentosin ayah antuk jinah wiadin barang, tur sane kadadosang nguot kapalih dados :

Krama Desa/Banjar Adat sane kasudi antuk Pemerintah, minakadi dados Pegawai, ABRI, ISP, keni Panguot manut pararem.

Krama Desa adat sane Kaluasan suennyanc paling kidik patul keni pa nguot nntnut pararem.

Poos 19

Sinalih tunggil krarna keni kadanda wiadin dosa prade:

1. Nycdokin arahan wiadin paruman sane sampun kaarahin keni dosa gung arta manut pararem.
2. Nyedokin ngaturang cane sane sampun kaarahin, wenang kadanda gung arta manut pararem.

Paos 20

Wusan dados krama Desa Adat kadi ring sor puniki:

1. Magingsir genah patut atur supeksa riin ring kelian adat/Banjar.
2. Kanoroyang/kawusang antuk Desane, tata cara nganoroyang patut kadi ring sor:
 1. Pastika wenten dudonan ipun.
2. Tan tinut ring Prajuru indik nyupat raga ngeschin solah prawerti.
3. Katiwakin pamidanda norane olih kelian Desa.
4. Pamidanda nganoroyang inucap patut katur ring pemerintah.

Paos 21

1. Sang wusan makrama tan wenten polih pahan sangkaning druen Desa/Banjar Adat.
2. Desanc wusan mawch pasayuban sukerta luire marcp ring sang kanoroyang.

SARGAH IV

INDIK PRAJURU

Paos 22

1. Desa Adat puniki kaenter antuk kelian Desa (BenDesa Adat).
2. Banjar Adat kaenter antuk kelian adat nunggal-nunggal.
3. Kelian Desa miwah kelian adat kaadegang malarapan antuk pamilihan antuk parumania soang-soang nyabran 5 warsa, sajawaning wenten paimana sane mabuat tur dados kapilih malih.
4. Sahanan kelian patut mawiwit saking ayahan ngarep.

Paos 23

1. BenDesa Adat (kelian Desa) miwah kelian Banjar soang-soang kasanggra olih:
 1. Panyarikan pinakajuru tulis.
 2. Patengen pinaka juru raksa.
 3. Kasinoman pinakajuru arah.
2. Pawilangan panyanggrane madudonan antuk akeh kedik krama gegambelan miwah pakaryan.
3. Panyanggra Prajuru inucap ring ajeng (1) kajudi olih keliannyane soang-soang.

INDIK NGADEGANG PAMANGKU

Ring saieroning ngamanggchang kasukertan Desa muang Banjar, yan ring sekala kaenterang antuk Kelian Desa/Banjar, nanging ring niskala kaenterang antuk Pamangku. Indik pacang ngadegang Pamangku pamargine patut kadi ring sor puniki:

1. Sakeng katurunan sane sampun mabukti bccik tur rahayu.
2. Sakeng nyanjan.
3. Sakeng pamilihan kramanc madasar antuk sastra dresta.
4. Sanc tan kawcnangang madeg dados pamangku luire:
 - Wang keneng sakit ila.
 - Wang keneng sakit buh —beseh.
 - Wang keneng sakit kadewan-dewan.
 - Wang Cedangga (peceng, perot, buta, bongol ISP).
 - Wang katampat taluh (nyapian).
5. Sakaluring upakara prabca kalaning ngadegang pamangku lanang istri, punika sami kasanggra antuk ikrama Desa/Banjar.
6. Risampune madeg dados pamangku raris katibenan dening ceda muang kalctehan/kacamahan sane marupa tan katawar antuk upakara malih (panten), wenang pamangku inucap kawusang manut pararem.
7. Nanging yan pamangku punika cedangga sangkaning sengkalan kapancabhayan, manggch kantun kasungkemin antuk ikrama, yadian tan mrasidayang ngamargiang swadarmania,
8. Yan riwekasan pamangku punika seda, upakara pitra yadnyane kasungkemin antuk ikrama Dcsa/Banjar manut pararem.

Paos 25

Swadarmaning Paraj uru Desa/Banjar:

1. Para juru krama DesalBanjar swadarmania patut kadi ring sor puniki:
 - Ngenterang paruman Desa/Banjar manut sengkcr.
 - Mangda pageh jejer ngamargiang awig-awig katekaning pamutusnia.
 - Rumaksa kalih ngetangang sadaging raja brana druen Desane/ Banjare sumangdania sida manut.
 - Tan surud-surud nuntun kramane sami ngupadi kasukertan jagat, sekala lan niskala.
 - Tan mari nuntun saha tureksa mangda kramane sami sida mangguh: Kasucian kahyangan/Sang Hyang Agama. Kasucian Pawongan, miwah Kasucian Palemahan.
 - Niwakang pamutus wicara sangkaning jejer paramarta (pageh jujur).
 - Para juru patut dados manggala (pamucuk) rikalaning nemuang baos, marep ring sapisira ugi, minakadi marep ring angganing kramane.
2. Swadarmaning Pamangku/Juru Canang patut kadi ring sor puniki:
 - Tan mari nuntun krama Desa/Banjar ngupadi Sang Hyang Agama, Kasucian Kahyangan, Kasucian Pawongan, muang Kasucian Palemahan.
 - Ngwentenang panyepuhan rikalaning wenten kacuntakan ring ragania yadian ring pakarangania.
 - Yan prade i para juru / kelian muah pamangku lempas ring swadarma napi malih nilar sesana wenang kasurudang/kawusang manut putusing pararem.

Paos 26

Para juro Mnnggeh Lid Kerta

1. Ring sajabagan/wewidangan Desa Adat, watek para juru sami patut manggeh dados Lid Kertaning Desa/Banjar Adat. Kelian Desa manggeh dados Pangatua, parajuru siosan dados panyangga manut pituduh kelian Desane.
2. Swadarmaning Lid Kerta l)esa wantah "Ngelidin"(nepasin) wicara-wicarane sane wenten metu ring wewidangania soang-soang, masrana antuk awig-awig sane sampun kagambel.
3. Jajaran/pepalihan linggih Lid Kerta Desa, patut sakadi ring sor puniki:
 - Kelian Desa manggeh dados pangatua Lid Kerta, tur mangda wenten panyade 2 diri.
 - Pangatua Juru Wicara, patut wenten panyade 2 diri.
 - Juru Timbang Wirasa, patut wenten 3 diri.
 - Pacalang, kawentenang manut sakabuatan.

Paos 27

Ulih-ulihan Prajuru miwah Pamangku luir ipun:

Upon-upon miwah pacatu leluputan ayah/pakena-kenan cenengan duman ring

Desa/Banjar manut pararem minakadi:

1. Kelian Banjar Adat: upon tanah pacatu polih nandingin muah upah ketusan (atenga + epah kutusan) polih apah empatan daging panauran miwah luput reramon.

2. Saya (Kasinoman), Panyarikan, Patengen : polin upon tanan pacatu apan K UltiS miwah luput reramon.
3. Kelian Desa: polih nandingin upon tanah pacatu muah apah empatan(atenga + siki mawcv,en apan crnpaum) cencngan åeuosan dua pah ilrna nasji wicara, miwah reramon luput.
4. Pamangku: upon laba atenga, sarin canang, sarin panauran, miwah panauran saml apan ugaan sana panganggo arangsukan nangken iimang warsa.
5. Prajuru miwah pamangku luput sahananing ayahan (luput manuk),

Paos 28

1. Prajuru kagentosin riantuk:
 1. Seda
 2. Pinunasnia.
 3. Kawusang/tan kapilih malih manawita ngawetuang biota.
2. Sapunika taler yan i pamangku nilar sesana, wenang kagentosin tur ngantukang upon-upon.
3. Ngontosin/nganoroyang prajuru/pemangku kararemin antuk ikrama Desa/Danjar.

Paos 29

fan prauc i prajuru tan nganuun swaåarnnarng rnuah pararcman ikrama Kem pamidanda nikel arep kaiwangan ikrama anut dudonan pratiwimbania:Yan iprajuru Ian niv.akangf arep sinalih tunggil krama sane nyorah, nyedokin nepak kulkul pa^lålwanan pranxru Inucap Keaanaa manut pararem.

SARGAH V

INDIK PARUMAN

Paos 30

1. Mungguing saba Desa/Banjar wenten tigang paos luirnia:
 - Samua artin ipun sareng sami, lanang istri agung alit, rauh pacang nerima wiadin mirengang rikalaning sangkep.
 - Sangkepan inggih punika paruman Desa/Banjar sane sampun tctcp panemayania tur kadadosang ngwakilang.
 - Paruman sane kawentenang napkala, tan kalugrayang ngwakiJang duaning ngawanang bebaosan duk ring pasangkepan/paruman punika pacang ngwetuang sima cara Desa riwekas.
2. Luir paruman-paruman punika luirnia: Paruman Desa/Banjar, paruman sekaa daa truna, daa nyoman miwah sekaa lelanguan.

Paos 31

1. Sahanan Paruman/sangkep sida lumaksana yan sampun katedunin antuk sang patut nyarengin, bilih langkungan ring atenga keh ipun.
2. Tatkalaning paruman/sangkepan patut mabusana nylempot tur tan kengin makta gegawan miwah sane siosan, yan wenten mamurug wenang kadanda.
3. Patut nganutin genah saha cane ring paruman.

4. Sadurung ngawit paruman patut nyacak seseban, tur sane seosan nyacak dedosan.
5. Ring sahanan paruman tan maren kamanggalain antuk pangarcana ring Ida Bagawan Panyarikan antuk Widi Widana (cane).
6. Sahanan pamutus kautsahayang pisan mangda malarapan antuk gilik saguluk (briuk Siu), bilih tan nyidayang, suarane makehan kemaon sinanggeh pamutus.

Paos 32

1. Pasangkepan Desa kawentenang nangken sasih ka sanga, miwah sangkepan Banjar nangken ngasasih.
2. Paruman Desa inucap kengin taler ngasasih nganut wigunania.
3. Nangken paruman/sangkepan ring ajeng, kelian Desa/benDesa Adat patut nyiarang pamarginia ngenterang Desane pamekas nganinin indik:
 1. Munjuk lungsurin pakraman miwah ayah-ayahan.
 2. Pamargin panelas miwah sulur arta brana druen Desa.
 3. Rencana prajuru nganinin usaha kartin Desane kapungkur.
 4. Sahanan wicara saha pamutus-pamutusnia.
 5. Daging pararem-pararem miwah pasuara sane mabuat.
4. Sahanan siaran ring ajeng katitenin saha katiwakang pamutus antuk paruman/pasangkepan Desa/Banjar.
5. Putus paruman inucaping ajeng sinanggeh sepat siku-siku patut katinutin antuk krama Desa.

Paos 33

1. Parurnan Prajuru/Banjar patut kawentenang sanistane ngenem sasih bilih-bilih kengin asasih apisan.
2. Paruman inucap katuntun olih kelian Desa/ Banjar Adat.
3. Sahanan prajuru Desa/ Banjar wenang nyarengin paruman inucap.
4. Paruman prajurune kawenangania wantah ngrincikang tata cara nglaksanayang usaha perencanaan sakaluirnia.
5. Sahanan rerancangan, bilih-bilih rencana pararem sane pacang niwakin tetegenan ikrama, tan patut kalaksanayang sadereng kapikukuhin antuk pamutus paruman Desa/Banjar manut dudonan.

Paos 34

1. Paruman sekaa-sekaa kawentenang padgatakala nganut tetujon miwah kawigunania soang-soang.
2. Nangken paruman patut atur supeksa prasida tan lepas kadi tetujon paos 5 ring ajeng.

SARGAH VI

INDIK KULKUL

Paos 35

1. Kulkul wenten kalih paos luire: kulkul Desa/Banjar, miwah kulkul sekaasekaa.
2. Tabuh tepakan kulkul Desa/Banjar pastika masiosan manut tetujon luire:
 1. Tengeran upacara yadnya ring Desa/Banjar wiadin ring kahyangan patut nungtit ngawit pujastawa sira I Pamangku.
 2. Tengeran wenten sinalih tunggil warga Desa/Banjar istri sane madrue oka, patut limang klentungan rahina.
 3. Tengeran wenten sinalih tunggil warga Desa istri mawiwaha, tigang klentungan wenginia sangkaning sami-sami lila, yan tan lila malatan sawatara ajam kengin kulkul bulus atulud ngawewehin tengeran ring ajeng, raris i krama Desa/Banjar kawalinin olih prajuru netes/neteg pangrorodan inucap, sapunika taler yan sinalih tunggil i krama lanang sane mawiwaha, melatan 3 rahina patut sampun ngulkul 3 klentungan wenginia sakewanten indik kulkul palas parabian 5 klentungan kawewehin malih 3 klentungan alon.
 4. Tengeran sinalih tunggil warga Desa/Banjar seda/padem, patut ngulkul 7 klentungan rahina.
 5. Tengeran ngawit nglaksanayang pakaryan kadi sampun kaarahang/kasiarang, patut 2 tulud alon.

6. Tengeran ngurungang nglaksanayang pakaryan/paruman sakaluire, sane kawastanin kulkul buung wiadin kulkul amanpatut 3 klentungan.
7. Mungguing kapanca bhaya makadi:
 - i. Jiwa bhaya wiadin kapalagendang, patut tigang tulud bulus.
 - ii. Arta bhaya (kamalingan), patut ngulkul bulus 2 tulud.
 - iii. Geni bhaya/belabaran patut 2 tulud bulus raris lelambatan
3. Kulkul Desa [Banjar tan wenang katepak sajawaning mulan wantah tengeran katiwakang ring warga Desa sami upami, yadnya, paruman, pakaryan ISP.

Paos 36

1. Kulkul Desa miwah Banjar, tan wenang katepak yan tan sangkaning bebasan utawi sangkaning pituduh kelian Desa/Banjar soang-soang manut dudonan, sajawaning rikala pacang ngwentenang tengeran kadi mungguh ring paos kapanca bhaya ring ajeng.
2. Sang nepak tan sangkaning pituduh, patut atur supeksa digelis ring prajuru maka buatan panepakan kadi ring ajeng, yan tan mangkana wenang sang amurug/nepak kadanda 100 kg beras.
3. Samaliha yan tan nepak kulkul manut paos 5 angka 2,3 miwah 4 wenang kadanda.

Paos 37

1. Sahanan kulkul Banjar sawidangan Desa Adat puniki. patut nyarengin katepak prade wenten sinalih tunggil kulkul Banjar Desa nengerang amuk/ bhaya pati.

2. Tengeran suaran kulkul pancabhaya sakadi paos 35 angka 7 ring ajeng patut katedunin antuk sahananing ayah lanang, inggian pangarep — pangele rauhing truna-trunane, saha gegawan anut ring rupan bhayane.
3. Tengeran suaran kulkul pakaryan patut katedunin antuk ayahan anut ring daging dedauhan utawi siarane.

Paos 38

Tengeran suaran kulkul sekaa sakaluire sajeroning Desa Adat puniki, tan wenang nyawerin suaran kulkul Desa utawi Banjar, yan amurug keni kadanda manut pararem.

SARGAH VII

INDIK SUKERTA TATA AGAMA

Paos 39

Kasukertan tata agama kacihnayang antuk pelaksanan panca yadnya, Iuire:

Dewa, Resi, Pitra, Manusa, Bhuta yadnya.

1. Mungguing Dewa Yadnya: genahe nuur utawi ngastawa sinanggeh kahyangan

Desa makadi, kahyangan sane kawangun sajeroning Desa Adat puniki, Iuir nia;

Pura Puseh, Pura Desa, Pura Dalem.

2. Panemayan ngenteg linggihang soang-soang kahyangan ring ajeng riwekas

kenjekan rerainan utawi pariodalan Iuirnia:

- Rahina Anggara, Kaliwon, Tambir panemoning piodalan ring Pura

Puseh.

- Rahina Buda Pon, Tolu, panemoning piodalan ring Pura Dalem.

Rahina anggara, Kaliwon, Tambir, panemoning pariodalan ring Pura

Desa/Baleagung.

3. Upacaranya wenten kalih paos:

1. Ngerainin mapiteges rahina kawit panemayan pangenteg linggih

soangsoang kahyangan sane kawentenang nyabra ngasasih.

2. Pariodalan/patirtan / pujawali sane kawentenang nyabran ngenem sasih

ngembang wusan prade galah nangsek wiadin paetangan sasih.

6. Upakara Iuirnia kadi ring sor puniki:

1. Linggih Datengan mungguh tebasan merta sari, santukan galah nangsek,..

mapiteges odalan puy ung (odalan ngenem sasih alit).

2. Pulasari saha bebangkit siki, odalan nemonin sasih kapat/kadasa.
 3. Niajaba Jero ritatkala odalan nuju Purnamanilem.
 4. Nyatur, odalan ri nuju Purnama Kapat/Kadasa.
 5. Ngusaba Desa, nganut paetangan.
7. Prebea upakara inucap kaetang antuk i krama Desa sajawining upacara/upakara kaetang antuk i pemangku (rerainan ngasasih).

Paos 40

Eedan upakara/upacara pujawali kadi ring sor puniki:

1. Pacaruan: kawentenang saderenge ngaturang pujawali, mateges mersihin sahanan mala tur kaupahin antuk caru sakirang ipun Panca Sata.
2. ngaturang piodalan ring Sang Ilyang Widhi Wasa saha para ancangan Ida, sane kastanayang ring soang-soang kahyangan inucaping ajeng, taler karuntutin antuk lelanguan makadi: kidung, rejang, baris pendet saha gong.
3. Pamuput aci: inggih punika aturan ring Ida Sang Hyang Widhi Wasa antuk Widhi Widana, taler upah-upahan (paweweh) ring i bhuta kala minakadi sesamlehan saha tabuh rah.
4. Sajcroning mapiteges pamuput aci, taler dados kassentenang bebali muah balih-balihan. Bebali makadi wayang, topcng. Balih-balihan makadi drama, janger, arja, joged.

5. Seosan inueaping ajeng boya kangka(wali saha runtutannia, yan pjadc jnuat taperikorder, tur nyuarayang makadi geguritan dura negara, gcguritan wirasan daatrana, wenang sang makta tape punika kadanda manut pararem.

raos 41

1. Rikala patirtan ring Pura Kahyangan Tiga kalih tawur agung kasanga mangda sami krama Desa rawuh mamedek ngaturang bakti sajawaning wenten kapiulangan.
2. Sapasira ugi yan ngranjing ka pura ritatkalaning patirtan patut mabusana manut tata caraning ngaturang sembah, minakadi sane lanang akampuh, atepi, madestar, sane istri masesenteng. Sajawaning ngambil pakaryan ring pura sane lanang kengin maselempot kemaon tur sane amurug jadma ika kadanda manut pararem.

Paos 42

1. Tata silaning ngaturang sembah wenten kalih paos:
 1. Muspa sinarengan katuntun antuk I Pamangku.
 2. Muspa neri-neri katuntun antuk I Pamangku.
2. Patut makta kawangen Ian dupa neri-nceri tan kalugra ngambil sekar ring banten pajegan.
3. Yan pamuspan sinarengan sane lanang makta tur ngembus destar sane istri matimpuh, mangda majejer.
4. Pamuspan wenten 5 paos luire:

- Muspa puyung, ngadegang Ida Sang Hyang Widhi ring pakahyun soang-soang.
- Muspa antuk sekar putih, astawa sang hyang Siwa Raditya.
- Muspa antuk kawangen, ngastawa Ida sang Hyang Widhi sane kastanayang ring pura soang-soang.
- Ngastawa nganggen sekar kuning, Ngastawa Dewa samudaya.
- Muspa puyung, sawuse nunas tirta, ngantukang Ida sang Hyang Widhi saha suksma ring wara nugrahan ida.

5. Wusan muspa sane pungkuran patut pinih dumun matangi, yan prade san sane pinih ajeng matangi, dumunan wenang kadanda manut pararem, asapunika taler pamidandane yan prade amurug kecaping ajeng (42 (2).

Paos 43

Sajawaning pujawali vviadin odalan ring ajeng wenten sinanggeh rerahinan jagat, I Krama Desa patut ngaturang pujawali makadi: nyepi, ciwalatri, saraswati, pagerwesi, galungan, kuningan ISP.

Paos 44

1. Rahina taur agung kasanga kajantenang antuk sang mawa rat.
2. Sasih panyepian kaetang nyambran pananggal apisan sasih kadasa.
3. Ngembak geni rahina benjangne saking panyepian.

Paos 45

Sesana I Krama Desa sajcroning paos 44 ring ajcng patut sakadi ring sor puniki:

1. Kalih rahina sadurung taur agung patut ngwentenang pakiyisan kasanga.
2. Arahina sadereng makiyis, tapakan kahyangan tiga miwah para ancangan nyoreang mangda turun ring bale agung.
3. Pangembang kawntenang arahina sesampune makiyis.
4. Ring tilem kasanga, krama soang-soang Banjar Adat mangda ngaturang prani ring Banjar.
5. Sorene krama Desa Adat mangda ngaturang aci taur ring bale agung linggih Ida Bhatara nyejer.
6. Patut kawntenang pacaruan taur agung kasanga rauh ring soang-soang umah/lebu karang, mungguing upakara inucap manut pawarah prajuru Desa Adat.
7. Upakara upacara taur inucap taler kawastanin pangrupuk.

Paos 46

1. Ngawit tengahing wengi sampun nampihang rahina panyepian tileming kasanga.
2. Krarna Desa Adat patut masesana kadi ring sor:
 1. Nglaksanayang yoga semadi.
 2. Sajeroning palemahan tan wenang:
 - Maapi-api (patut mati geni).
 - Mamargi ring margi-margi(mati lampah)
 - Makarya (patut mati karya).

- Raine-laune sekadi megegambelan , (paiut amati lelangunan).
- 3. Panyepian ngawit tengahing wengi pangrupukan_iuntos katengahing wengi wiadin benjang semengne rahina panyepian.
- 3. Sapisira sanc manuarug kccaping ajeng (i. 2) wcnang kaeianda Inanut pararem.

Paos 47

sajeroning panyepian prade wenten upacara, upacara iuput sakeng panudanda ri sampun :

1. Nunas panugrahan riin ring prajuru Desa Adat.
2. Sakaluarmg upacara mucap mangda kamarglang sakantune raiuna.

Paos 48

Prajuru Adat kasanggra antuk pacaiang Desa wenang :

1. Nureksain yan wenten mamurug katreptian panyepian.
2. Maosin tur niwakang pamutus anut ring kaiwangan yan wenten mamurug,

Paos 49

Ring benjangne kawasianjn ngembak gem (pangeieburan yoga semadl) wiadin ngembak panyepian, mangda i krama Desa Adat sami-sami ngaksama kaiwangan tri kayane soang-soang.

Paos 50

1. Snwalatri mapiteges pasambang semadian pangaksaman ring Ida Sang hvanz'
Widhi rnungguing kaawidian i krama soang-soang.
2. Patut kalaksanayang ring Purwanining Tilem kapitu.
3. Kadulurin antuk ngwacen Pustaka Suci Lubdaka.

Paos 51

1. Rahina Saraswati pinaka rerahinan pangastawan Ida sang hyang Widhi rikala
ngalugrayang pangaweruh ring soang-soang krama Desa.
2. Panumayan rahinane Saniscara Umanis Watugunung, nyabran 6 sasih210 rahina.
3. Patut taler masambang semadi tur matapa brata kantos rahina benjangne nunas
bayu pangaweruh (kawastanin banyu pinaruh).

Paos 52

1. Pagerwesi pinaka rahina pangæstawa Ida Sang Hyrang Widhi(Pramesti-guru),
rikala ngay•ogayang karahajengan tri bhuvuma kasinarengin antuk Dewa-Dewi
lili\uih Pitara-Pitara.
2. Ikrama taler patut nyuciang raga sarira pinaka panatak sunaran, kasucian
payogan Ida, prasida rahajeng bhuuana alit soang-soang.
3. Pancmayan rahinane Buda Kaliwon Sinta, nyabran 6 sasih.

Paos 53

1. Galungan inggih punika parimba paperangan Dharma kalawan Adharma punika awinan ngawit rahina raditening Dungulan sampun munggah kala tigane.
2. Rahina galungan mapiteges pangastawa suksma suksma idep soang-soang krama Desa ring kawentenan tri bhuwana (jagat raya), rawuhing uparenggania olih Ida Sang Hyang Widhi.
3. Panemayan rahinane Buda Kaliwon Dungulan nyabran ngenem sasih.
4. Patut naceb penjor maka cihna panyuksma ring kagemahripahan pasuecan Ida sang Hyang Widhi.

Paos 54

1. Ngadasa rahinayang sawusan Galungan, rikala Saniscara Kaliwon Kuningan sinanggeh rahina Kuningan, mapiteges pangeluhuran Ida sang Hyang Widhi kairing antuk Dewata kabeh miwah Pitara-Pitara.
2. Ikrama patut ngastawayang kasentosan, kadirgayusan saha pamitan wahya adyatmika ring Ida Hyang Widhi.

Paos 55

1. Nyabran saniscara Kaliwon kawastanin Tumpek, makadi: Tumpek Landep, Wariga, Kuningan, Krulut miwah Wayang.
2. Soang-soang tumpck pancmayania nyabran ngcncm sasih. (210 rahina).
3. Tumpek Landep, mapitegesPangastawan Ida hyang Widhi rikala nguripin senjata.

4. Tumpek Wariga, mapiteges Pangastawan Ida hyang Widhi ring gemeh ripah tanem tuuh.
5. Tumpek Uye, mapiteges Pangastawan Ida Hyang Widhi ring karahajengan sarwa ingon-ingon.
6. Tumpek Wayang, Pangastawan Ida Hyang Widhi ring mabiseka Bhatara Iswara.

Paos 56

1. Purnama pangastawan Ida Hyang Widhi rikala mabiseka Ida Hyang CandraRatih.
2. Tilem pangastawan Ida hyang Widhi rikala mabiseka Hyang Siwa-Aditya.
3. Panemayan Purnama/Tilem nyabran 30 rahina, soang-soang manut tanggal pangelong.

Paos 57

1. Prajuru patut nuntun ngenterang krama Desa nginggilang kasucian kahyangan.
2. Bacakan letuh cendakane sane tan dados ngranjing ring kahyangan Desa luire:
 1. Jadma luh sebel kandel sakaluire, upami: ngraja sewala, madrue oka, karuron manut sengker.
 2. Jatma cuntaka sangkaning kapademan.
 3. Sahanan jadma patita (panak babinjat, wong sakit ila, miwah jadma cendala seosan) sadurung kalukat kaprayascita manut agama.
 4. Jadma sane kapastikayang panten antuk prajuru.

5. Sato agung ngawit bawi ngagengang, sajawaning mapepada.
 6. Sahanan barang sane sinanggeh letuh manut agama (tulang, getih, bok, sakaluir mawiwitan watangan, layudan pitra yadnya Isp.).
 7. Miwah sahanan cendala seosan.
3. Ring kahyangan tan wenang nglaksanayang sahananing sinanggeh ngeletuhin luire:
1. Mamisuh kalih wak purusya seosan.
 2. Magerengan/majaljal bilih-bilih yanjantos kanin/ metu rah.
 3. Mabacin, mawarih, masenggama miwah sirep ring pakemitan lanang wadon dados asiki.
 4. Ngranjing ring pura wiadin munggah palinggih, yan tan polih panugrahan ring prajuru, saha menain wastra, ISP.

Paos 58

1. Kramane sane manggih utawi uning ring kawentenan jadma ngletuhin kahyangan kadi munggah ring ajeng paos 57, patut atur uning ring prajuru.
2. Prade tan wenten nyadokang, wenang kasisipang sinanggeh ring corah saruron.
3. Jadma sane mamurug paos 57 miwah 58(2) wenang jadma ika mrayascita tur nyarunin kahyangan agung alit manut pararem miwah dana arta manut pararem.

Paos 59

1. Kahyangan kahanan durmangala luire:

1. Pariyangan kasander dening gelap.
 2. Pariyangan karubuhan taru ageng.
 3. Parhyangan siniratan getih wong.
 4. Parhyangan katunuan.
 5. Parhyangan karanjingan pandung, wong edan, wong sebel kandel, buron agung, lulut muah parhyangan kahanan wangkening wong.
2. Yaning wenten pariyangan kahanan kadi ring ajeng, patut parhyangan punika kaprayascitain kalih kacaruin manut kecaping sastra (lontar durmangala miwah roga sengara). .

Paos 60

1. Sajawaning patirtan wiadin rerahinan wenang kori agung parhyangan kainebang.
2. Sapasira ugi yan jagi maturan/nunas ica ngranjing ka pura patut ngiring pamangku, patut maturan sakeng jaba yan tan ngiring pamangku tur tan kalugra nguyagang mis.

Paos 61

1. Resi Yadnya mapiteges Upadana/Punia ring sang sinanggeh wiku minakadina ring pandita utawi sang sujana (pamangku, dalang, kebayan, balian sonteng sakaluire).
2. Mungguing pawintenan/pugala ring ajeng pacang ngenterang yadnya Sajawaning pamangku patut masadok ring kelian Banjar miwah kelian Desa/Bendesa Adat.

3. Prajuru inucap patut ngawas nitenin mangda pamargine manut ring kecap miwah drestane.
4. Prajuru Desane patut sareng nyaksinin upakara sang mawinten sapatuta, patut digelis kasiarang ring paruman Banjar, miwah Desa tegap rauhing wates kawenangan nganter yadnya sane dados kamargiang manut panugrahan Dang Guru utawi dresta soang-soang.
5. Prajuru inucap dados nunas pamatut bebandingan ring sang rumawos (Parisada utawi Pemerintah).

Paos 62

1. Krama Desane sami patut soang-soang nitenin katuntun antuk prajurune mangda sahanan yadnya sane kawentenang kaicen pamuput olih pandita, utawi sang sujana (pamangku sakaluire) anut dudonan kadi kawenangania soang-soang manut dresta.
2. Prade wenten nglempasin, bilih-bilih sane pastika nyumuka, prajuru wenang ngalangin ngurungang yadnya inucap, prade kaliwat yadnya saha pala wesania sinanggeh tan wenten sah.
3. sang nglempasin utawi dustania tan trima ring tetiwak prajuru paos 61.5, wenang kadanda manut pararem.
4. Prade tan manut ring pamutus prajuru ring ajeng, wenang nunas baos ring sang rurnawos (parisaddpemerintah) sane patut ngicenin pamutus tur tan kawicaranan muah.

Paos 63

1. Dana/punia arep ring sang wiku minakadi prasantun sakaluire, anut dudonan yadnya soang-soang ikrama Desane.
2. Pamekas arep ring I Pamangku Kahyangan Tiga lanang istri ngawit pawintenan rauh kapitrayadnyania riwekas prabeania kamedalang antuk krama Desa.

Paos 64

Mungguing yadnya kaping tiga mapiteges pitra yadnya, inggih punika upacara saha upakara, sane katiba ring sang lampus, tur kacihnain kapertama antuk pamendeman wiadin brahma prayascita (makingsan digeni) salantur ipun kaabenang.

1. Pamendeman mapiteges makingsan ring ibu pertiwi, kalaksanayang manawita prabea miwah padewasan pangabenan mahawinan lamin ipun jantos lima rauh dasa warsa.
2. Brahma prayascita kengin waneng pangabenania melatan paling lami awarsa, ngantos padewasan wiadin nuptupang prabea.

Paos 65

1. Yening sinalih tunggil krama Desa wenten padem/seda, sang nruwenang sawa ika asadu ring prajuru makadi kelian adat tur nyadokang rahina rahayu Ian tan rahayu pamendeman.
2. Pakaryan pangupakara sawane patut, kasuksrahang ring Banjar, taler reramon makadi tiing, selean, busung miwah sane seosan sapatuta.

3. Ikrama Banjar kaaturin canang saha lanjaran saprasidan ipun.

Paos 66

swadarmaning i kelian adat miwah Banjar, kalaning wenten pasadu sang nruenang karya:

1. Nyuarayang kulkul 7 klentungan rahina.
2. Ngaryanang bangbang matektekan makarya pameran antuk ikrama Banjar lanang.
3. Ikrama Banjar istri muat patus , tur ikrama sajeroning beBanjaran majenukan sane ledang pakayunania, i kelian Banjar/penyarikan patut nyuratang sapari indik pamutusnia.
4. Sajaba punika ikrama istri patut mitulung ngaryanang bebantenan ipun.
5. Nusang wiadin ngringkes sawa antuk krama Banjar lanang-istri salantur ipun mendem sawa ka setra.
6. Prade kageseng, pangatere ka setra ngantos sawane kaancungin jantos nganyut.

Paos 67

1. Majenukan/matektekan makarya pameran nusang miwah mendem sawa ka setra ikrama mangda mabusana nganutin tata cara adat (sane lanang nylempot sane istri patut masesenteng).
2. Rikala ngupakara Saha nyongsong sawa tan wenang ngwetuaken suara ghora miwah ngarap.

1. Yan prade wenten krama sane seda/padem seosan ring umahnia minakadi dura Desa miwah genah lianan, patut krama Banjare ngrereh sawa punika kabakta budal.
2. Jadma seda/padem salah pati/ulah pati kengin sawania kabakta budal tur kaprateka.
3. Miwah yan kantun ring umahnia duaning kasangkutin antuk dewasa ikrama Banjar ngamargiang pagebagan kehnia manut paetangan prajuru.

Paos 69

1. Padgata kala yan wenten wong dura Desa kacunduk padem sajeroning Desa Adat puniki mangda i benDesa Adat atur supeksa ring sang ngawa rat.
2. Sawa ika tan wenang kagingsirang genahnia mangda nenten kapiolasania ngwetuang kasumangsayan.
3. Risampun katureksa ring sang mawa rat makadi polisi rauh kapisum dokter wawu kengin kagingsirang.
4. Sapasira tan tinut ucaping ajeng (2) wenang kadanda manut pararem.

Paos 70

1. Yan prade seda/padem sangkaning sakit manawita kapubadang ring kUlawargania sajeroning Desa Adat puniki, patut kalaran antuk supeksa ring prajuru Desa inucap

2. Buat paingkupan bebaos ring ajeng kalih paos 69 (3) prade pacang kapendem wiadin katuuiel (brahma prayascita) patut jadma ika nganutin paleletehan kadi ring sor:

1. Sampun nunas panugrahan ring i prajuru Desa.
2. Ngaturang pangaci nganut tata cara agama Hindu naur panukun setra.

Paos 71

1. Saja»vaning wenten paetangan seos, rahina sane tan wenang mendem sawa, mekadi : Purnama, Tilem, Prawani, kala gotongan, semut sadulur, pasah, rerainan jagat, nyandung, kirim bangke tetiga sapisanan Isp.
2. Sawa sane patut kapendem pramangkin luir ipun :
 1. Anak alit dereng maketus.
 2. Jadma padem beling.
 3. Jadma padem keni gering agung, (kalugra taler ngeseng / nunjel pramangkin).
3. Paetangan seos inucap ring ajeng kalaksanayang antuk amandung amawa suar, kekingsanang sawa ika ring setra maka cihna :
 1. Tanpa suaran kulkul ring wau seda/padem ngantos mendem.
 2. Sanggahnia tanpa upakara banten.
 3. Tanpa gagumuk saha maduluran paloncor.
 4. Mamargi wegi tur makta sundih.

Paos 72

Mungguing ng:unargiang sawa miwah pamendemmania kadi ring sor :

1. wennng ngalangkahin sawa, mapiteges yan wenten sawa lintang ring adiri saieroning ballanjaran, ring setra asiki tur jagi kapendem ring rahina tunggal, tnangda sawane tanpekan ring setra kamargiang riinan.
2. Asapunika taler kamargiang ring pangutangan ngaben.
3. Mungguing pamendeman miwah upakara saji pangiriman sawa ika anut taler sakadi pamargine ring ajeng, inggih punika saderenge sawa kamargiang riinan kapendem tur kaupakara saji pangiriman tan kapatutang malih mendem sawa (tan wenang makirim bangke), risampun kapendem inupakara wau kengin sawa pungkuran ika kapendem saha inupakara. Asapunika salantur ipun jantos sami sawane inupakara.
4. Yan prade wenten sinalih tunggil krama jagi ngentas sawa, ngeseng sawa / ngaben sinarengan sakadi kecaping ajeng (3) pamendeman sawa kamargiang ri tan nganutin genah sawa ika, wau raris kengin kamargiang ngaben.

Paos 73

1. Kelian Banjar/Desa Adat madrue wawenang ngatur muah ngamecikang setra .
2. Sajawaning ring setra nenten Pisan kadadosang mendem miwah nunjel sawa.

3. Sapa sira ugi tan wenang nginepang bangbang.
4. Rikalaning ngendag tan wenang makta tanah setra kabakta ring Desa.
5. Tan wenang makarya undung-undung gumanti kuburan.
6. Jadma nandang sakit ila gering agung patut kapendem ring genah sane kapituduh olih kelian Banjarnia sareng benDesa Adat sajeroning setra.
7. Yan wenten sinalih tunggil krama istri sane mobot tur raris padem / seda kabasah, tan kengin kapendem sadurung bobotan nyane medal.
8. Sang amurug kecaping ajeng (73/7) keni jadma ika kadanda manut pararem.

Paos 74

1. Mangda maka sami krama Desa Adat mrasidayang indik Pitra Yadnya atiwatiwa patut:
 1. Nyabran 5 ngantos 10 warsa ngawentenang atiwa-tiwa kawastanin ngerit.
 2. Papatusan anut pararem.
 3. Upakara kamargiang anut kasidan sang madrue karya ngaben (nista, madya, utama).

Paos 75

1. Sajeroning jadma padem sajeroning tigang rahina yan pacang kaabenang Pramangkin, tan ngetang dewasa ngupakara agung wiadin alit yaning padem tan sakeng sakit ila.
2. Jadma salah pati, ulah pati yan pacang kaabenang patut kawewehin antuk upakara pangulapan miwah panebusan.

Paos 76

Bacakan jadma sane patut kaabenang luih ipun :

1. Yan sampun tigang sasih jantos dereng maketus tan patut kaabenang, upakara kamargiang antuk ngalungah.
2. Sakeng maketus salantur ipun patut kaabenang.

Paos 77

Mungguing panyekehan / ngalelet sawa luihnia sakadi ring sor :

1. Yaning ngaben alit tan wenang nyekeh sawa.
2. Ngaben madya tan langkungan ring 6 wuku.
3. Ngaben ageng tan langkungan ring 3 sasih.

Paos 78

Darmaning sang nruenang sawa rikalaning ngaben alit sakadi ring sor puniki :

1. Masadok ring kelian adat indik dina padewasan pacang muputang.
2. Ngaturin i Banjar reramon sakadi: tiing, ron, selepan Ian salantur ipun, gumanti pacang anggen eteh-ete sawa ika.
3. Ngaturin i Banjar sasidan --- sidan, makadi: wedang, canang, Ian salantur ipun, kalaning makarya miwah madelokan.
4. Tan kengin maebeh-ebahan makadi nampah suku pat..
5. Tan kengin ngaturin i tamiu isin sok.

6. Tankengin nuur mangda kapuputang antuk tirta kemaon
7. I Banjar kanturang ajengan, punika taler kalaning I banjar majenukan.
8. Tan wenang nerima tatenpungan / panyandingan.
9. Jinah sane ring sawane katiba ring Bnajar.

Paos 79

Darmaning I banjar kalaning ngaben alit :

1. Pengambil I Banjar pateh paos 66,67
2. Ngaryanang eteh-ete pangleletan tur raris nyiramin sawa ika.
3. Yan prade I Banjar majenukan, mangda benjang pakutang.
4. mangda benjang pangutangan.
5. Ngawentenang pagebagan sararis ipun /rahina sakeng wau seda anut sakadi paos 69.3 ring ajeng.
6. Ngamedalang patus manut pararem.

- Paos 80 -

Darmaning sang nruenang sawa kalaning ngaben madya pateh sakadi paos 78.1.2. kudulurin malih sakadi .

1. Ngaturin i Banjar mebat, pamucuk ngebatang Banjar, taler kengin nunas tulung ngebatang tamiu.
2. Ngaturin I Banjar ajengan lanang istri kawisan .
3. Yan nruenang sawa mamanah ebatannia patut srahang, katiba ring I Krama Banjar lanang.

4. Yan prade wenten sawa / watangan langkungan ring adiri sajeroning paumahan, patut malih ngaturin Banjar ajengan apisan lanang istri, sapunika taler tingkahing yan manerima tatempungan : nanging sawa cangkingan tan wenang langkungan ring dasa diri.
5. Patut nuur Ida Sang Wiku.
6. Jinah saha banten teben sami katiba ring Banjar.

Paos 81

Darmaning kelian Banjar kalaning ngaben madia, pateh sakadi paos 79 maweweh :

1. Ebat (ngolah) manut paos 156 (sukera Desa).
2. Ngaryanang bale gong asiki maageng 3 m², bagia asiki, bale pawedan asiki, patulangan kehing sawa malih bale salunglung asiki.
3. Ngamedalang patus manut pararem.

Paos 82

Darmaning sang nruenang sawa, kalaning ngaben ageng, pateh kadi paos 80. 1.2.3.

kewanten maweweh malih ngaturin i Banjar :

1. Ajengan lanang istri, ngawit makarya sanganan ring paberssian kalih pangutangan / palebon polih ajengan mepek (ping kalih) .
2. Yan melatan arahina wau makirim, malih ngaturang i Banjar lanang istri apisan.

Paos 83

Darmaning I Banjar kalaning i krama ngaben ageng, pateh kadi paos 81 maweweh malih kadi ring sor:

1. Ngaryanang bale pabasmia, trajangan sami masiki, sesalon ageng saha patulangan manut keh sawa sane kagelar ngarep (tan patetempungan). .
2. Ngamedalang patus manut pararem.
3. Ngamedalang pangrombo ngrereh reramon, miwah pangrombo tukang wadah keh ipun manut pinunas sang nruenang karya.

Paos 84

1. Yan hana jadma dura Desa nyengkeng patut keni palelethan manut paos 70.2 nyabran adiri maweweh malih paos 80.4
2. Yan prade sinalih tunggil ikrama matempung kadura Desa patut ipun keni banten panyiut saha sesari manut pararem.

Paos 85

1. Tata susila ngamedalang sawa/layon mangda kadabdab tan patut magujeg saha ngwetuang sarwa ghora.
2. Yan amurug kecaping ajeng saha sawa ika katiba katanahe keni sang ngulungang pamrayascitaan.

Paos 86

Upacara/upakara salanturing pitra yadnya, kawastanin nyekah saha majar-ajar (nyegara gunung) wastu tinas apadang payadnyan ring pitra inucaping ajeng.

Paos 87

Yadnya sane kaping pat inggih punika manusa yadnya, mungguing upacara/upakara sakadi ring sor puniki:

1. Duk hana sajeroning graba patut ngwentenang upacara magedong-gedongan.
2. Wawu medal kaupakara antuk banten dapetan kadulurin suaran kulkul 5 klentungan.
3. Upacara ring tigang rahina kepus udel.
4. Upacara nyolongin ring roras rahinania.
5. Upacara akambuhan ring asasih pitung rahinania.
6. Upacara nyambutin ring tigang sasihnia.
7. Upacara odalan/pawetuan ring nem sasihnia.
8. Upacara tutug kelih kangkat truna/daa risampun ngembakin sane lanang, muah ngraja sewala sane istri.
9. Upacara matatah risampune kangkat sakadi ajeng (8) patut matatah mapiteges neptepin sad ripu ngamanggehang kasadgunan.
10. Upacara pawiwahan sane kadulurin antuk suaran kulkul, wenten taler kalih paos:
 1. Sane wawu kaupakara antuk banten pabeakalan asidi kewanten.

2. Upakara pasakapan makerab kambean, mapiteges puput mapikuren duaning sampun kaupasaksiang sakala niskala malarapan antuk ngaturang pajati ring pamrajan sanggah kemulan sang kaambil.

11. Upacara pawintenan ring sampun grehasta manut kecaping catur asrama.

Paos 88

Mungguing kecap bhuta yadnya wenten tigang paos inggih punika: saiban, segehan, miwah pacaruan.

1. Kawastanin saiban, duaning upacara nyabran wusan maratengan.
2. Segehan wenten tigang paos, inggih punika : nista, madia, utama/agung.

Segehan sane nista tan paiwak, (kengin antuk bawang jahe ulamnia), Madia segehan sane maulam jajeron sakaluire, muah yaning segehan agung, segehan sane masamblehan ayam, bawi manut dudonan.

3. Pacaruan taler pinara tiga inggih punika, panca sata ayam maolah sanistania, panca sanak madian nista, panca kelud: asu bang bungkem madianing pacaruan saha pawaliksumpahan utamania.

Paos 89

Yadnya inucap katiba ring bebutan Tri Hita karena:

1. Kahyangan rikala kadurmangalan muah yan pacang ngwangun piodalan nista madia utama, manut pararem, manut kecaping dresta.

2. Palemahan prade wenten kadurmangalan ngwarsa mapiteges tawur kasanga.
3. Pawongan, anut ucaping dresta, minakadi rikala pawiwahan sane kawastanin pabiakalan.

SARGAI VIII

INDIK KASUKERTAN PAWONGAN

Paos 90

Sukerta pawongun kacihnayang antuk tata titi pawiwahan, nyapian, sentana muah waris kawaris null ill sulur kapurusan.

1. Pawiwahan inggih punika patemoning purusa lawan pradana malarapan antuk panunggalan kayun suka cita, kaupasaksiang sekala niskala (prajuru lan Widhi widhana).
2. Nyapian inggih punika, palas marabian mawiwit sakeng wicara, lan suka lila maka cihna tan prasida tumus suka citaning panunggalan idep sang alaki rabi, kaping kalih wenten kawastanin balu, prade wenten sinalih tunggil alaki rabi kapademan.
3. Yaning alaki rabi tan prasida angwetuaken preti sentana kapurusan wenang pikuren inucap ngidih sentana, saha sinaksiang sekala niskala.
4. Waris inggih punika tumurunia arta brana sekala niskala arep ring preti sentana sane macihna tctamian.

Paos 91

Tata caraning pawiwahan patut kadi ring sor puniki:

Nganutin yusa, lila pakayun, malaku, pakrunaan/panglukuan saha pakernb kambcan.

1. Mungguing waneng yusane patut mawiwaha paling kedik 24 warsa
sane lanang, 20 warsa sane istri.
2. Lila tan lila sang alaki rabi nyihnayang pamargin pawiwahan mabinayan minakadi
sane kawastanin mapadik miwah ngrorod/marangkat.
3. Malaku mapiteges mituhuyang ring reraman kicalan daane wiadin malaku
kukul.
4. Sajroning pakrunan/pangelukuan:
 1. Kaigumang baose idih pakidih saha dewasa pakerab kambean riwekas antuk
prajuru Desa Adat miwah Dines, prachina sampun kabaos sah sekalaning
pawiwahan.
 2. Taler kacihnayang mungguing kapurusane antuk sentana rajeg wiadin
kapurusan wiakti, yadin sentana rajeg kajejerang patut ngidih anak lanang
sane kawastanin pawiwahan nyeburin.
5. Pakerab kambean mapiteges ngrauhang (amba) ikrama Desa kasiarin (kerab)
mungguing kawentenan sinalih tunggil mawiwaha ketahnia kawastanin upacara
puput mapikuren.
6. Yan prade mamurug kecaping ajeng (1) wenang kadanda antuk i Banjar miwah
pasekaa-sekaa gung arta manut pararem.

Paos 92

Istri Jahat, Anak Babinjat

1. Yan wenten anak istri: balu, nyapian, napi malih kantun anom mobot tan
sangkaning madrue laki, punika kawastanin istri jalir (bangkung buang
ngarania).

2. sapunika taler sane lanang, kabaos lelaki nyolong patut keni 2.
pamidanda riantukan kasinanggehang tan satia laksana.
3. Yan prade wenten anak istri daha/balu ring nyapian mobot turing 3.
malakuin anak lanang langkungan ring adiri, wenang danda tur ngupakara mrayascita ring Kahyangane sami.
4. Yan anak sang istri jahat punika sane kawastanin pianak babinjat, tan wenang ngeranjing kapura/kahyangan.
5. Mangda sampunang anake alit sane tan weruh ring Desa kanistayang ring sajeroning prawertining kauripan, pamargine wenang kadi ring sor puniki:
 - Kaidih/kapalakuin antuk sinalih tunggil sane patut negenang kaiwangan ipun, •utawi sapisira ugi sane ledang malakuin pianak.
 - Yan tan sapunika, wenang tunasang pamalaku ring Pura Desa Bale Agung ring Ida Bhatara Sang Hyang Iswara sane maraga guru Desa ring jagate, maduluran upakara sakadi anak ngawijilang putra.
6. Sahananing kadi munggah kojaring ajeng (90, 91, 92) rauhing palih miwah rancan ipun, yan wenten mamurug patut katiwakin salah: naur pakerang/bakaran, danda suaran kulkul, pangerebuan, katekaning pamidandania soang-soang manut pararem.

Paos 93

Panetes Pangerorodan

1. Sakaluring pamargin anak ngarorod sakadi ring sor puniki:

- Yang ring parorodan patut ipun magenah ring sajroning paumahan. saha sang madrue umah patut masadok ring parajuru.
- Sadurunge kawikanin antuk sang para juru mungguing iwang patut pamargin sang ngarorod, wenang sang para juru, kang kapcrdana maweh pasayuban (pangeraksajiwa) ring sang ngarorod.

2. Yan tan manut pamargin sang ngarorod wenang sang parajuru lumaksanakena kadi ring sor puniki:

- Ngelarang sang madrue umah ngajak sang ngarorod irika.
- Yan wang sakeng seos/tios Banjar/Desa, wenang katundung mangdane matilar.
- Yania mamurug wenang para juru nibakang danda miwah rumagang rat, nitenin mangdania tan malayu Ian salantur ipun. Sane sinanggeh ngawanag sang ngarorod tan mamargi mamedanin.

3. Yan prade wentan pasaserep, para jurune patut nureksain napike punika jatijati pernah wirangnia sakeng sang mangerorod, yan sampun pastik, wenang para jurune ngaterang ring genah sang magerorod madunungan. Sajeroning ngaranjing kaumah padunungan, patut:

- Kaater antuk parajuru sami.
- Tan dados langkungan ring adiri, inggih punika sane wantah pernah reraman ipun.
- Tan kengin mabaos wak purus Wkeras bangras. Tan kawenang makta gegawan.

4. Ring sajeroning pamargin panetesang sang para juru patut maweh Pasayuban/pangempu jiwa, majalaran kayun degdeg paramarta, mangda sang ngarorod sida malaksinayang manahnia sangkaning sujati tur kasaksinin antuk sang para juru tetes.

5. Sapunika taler kawlikania. sang manete.% mangda polih panuntun becik sakng para juru. tnangdania panctsc mamargi sangkaning rahayu.
6. Yan sampun sang mangcrorod Sami pada arsa, ring sampune puput panctese karnargiang, sang menctcs wenang kawalikang antuk sang para juru.
7. Yaning sang lanang punika sakng seos Desa/Banjar wenang katundung tur kasuksrahang ring sang para jurune ring Desa/Banjarania tan mari taler patut kcni salah danda ring Desa/Banjare duk ipune ngawe wicara.
8. Sane istri katulakang malih ring yayahrenania.

Paos 94

Indik Pawiwahan Tan Katampi,ran Manut

Pawiwahan sane tan katampi/tan manut, tegesnia tan wenang katrima antuk I Krama Warga Desa/Banjar, luire:

1. Natab upakara sangkaning papaksan.
2. Tan kasaksinin antuk para juru miwah saksi-saksi sane seosan, tur tan wenten ilikita (surat).
3. Sinalih tunggil sang alaki rabi nenten rauh turing tan pakarana, punika tan kadadosang natab banten upakara pawiwahan miwah tan kadadosang ngaryanang ilikita.
4. Nanging yan sinalih tunggil sang alaki rabi nenten rauh, kewala sangkaning katibanan penyangkala, wenang upakara pawiwahan kalanturang masarana antuk caciren utama:

Sane lanang•

- a Masarana antuk keris, destar, ali-ali, miwah kampuh. Sane istri:
- b Masarana antuk sumpang ernas, sisir krun ernas, kalung masoca mirah, muang ali-ali

5. pamargin upacara/upakarane puniki kamanggalaning antuk sametonia sane pinih patut tur kasaksinin antuk para juru sareng sami.

Paos 95

Indik Gamia Gnmana

Mungguing pawiwahan sane kabaos Gamia Gamana inggih punika, pawiwahan sane kinucap iwang manut kojaring Agama, luire:

1. Ngambil rabi mawit tunggal bapa ibu.
2. Ngambil sameton, yadin bina biang nanging tunggal bapa, sapunika taler kawalikania.
3. Ngambil biang wiadin papernahan biang sakeng kapurusan.
4. Ngambil putra yadin pernah kawalon.
5. Ngambil matua wiadin mantu.
6. Ngambil v,arang.
7. Ngambil cucu saking mantu.
8. Yan mamurug kadi kojaring Gamia Gamana ring ajeng paos 95 palih (1) jantos (7), wenang kapalasang, tur sang mamurug wenang katibakin salah danda, inggih punika nistania ngawalik sumpah ring Desa/Banjar pakramania.
9. Yaning sang katibakin danda tan nampenin, wang ika wenang katundung turing tan dados malih ngelingin padruenia sane wenten ring Desa/Banjarnia, krampag punika ngarania.
10. Yan wenten wang lanang istri turing pada-pada balu raris makurenan, samaliha sami-sami pada ngajak pianak, riwekasan putrania punika tan dados kajangkepag lawan sanaknia, apan punika sane kawastanin "MASEMETON DICAMBRA", manyama dikate.....

pukan ngarania waneh. Yania mamurug, salah danda manut paramem.

11. Kapatutania yan wang alaki rabi wantah nunggal-nunggal nanging kadadosang naler ngambil rabi langkungan ring adiri, pinih akueh 4 diri, manut kojaring

Lontar Siwa Sasana, nanging mangda madasar antuk: - Rabinia

cedangga (cacad ring raganian).

- Rabinia bekung tan pacang numbuhang sentana.
- Rabinia tan nganutin swadharmaning alaki rabi.

12. Yan prade mamurug kojaring paos 95 palih (11) puniki rancah: -, -, kem kasisipan manut pararem.

Paos 96

Uger-Uger Pawiwahan

Uger-uger inggih punika wenten kalih paos luire:

1. Pawiwahan marep ring preti sentana sane kawastanin pawiwahan kapurusan.
2. Pawiwahan marep ring sentana rajeg (bulakan), sane kawastanin nyeburin, nanging ring pawiwahan nyeburin puniki taler maweweh antuk pasuketan sang alaki rabi, sane kawastanin pasuketa " Malabuh Geni", luire:
 - Yan sane lanang iwang mawerat, wenang katundung antuk rabinia.
 - Yan sane istri iwang mawerat, wenang katundung antuk sane lanang, yadian sane istri marupa santana rajeg (bulakan).
3. Yan pawiwahan purusa Ian pradana puniki tan kaanutin samuh ngarania Punika, tan madrue lungguh tegakan sane lanang kalawan sane istri, "Empek Ngelanting" ngarania waneh.

Pawiwahan Anak Lianan Ring Maagama Hindu

- 1 . Yadiastun marupa sampun pada adung tur wangatuania soang-soang pada cumpu, wenang para jurune malih ngamargiang panetes: yan sampun yuakti, raris karyanang Surat Pasuketa (perjanjian).
2. Ring sampun wenten ilikita, raris margiang yadnya Pamarisudhan, ring ajeng Sanggar Kemulan marep ring Ida Bhatara Hyang Guru, dagingnia nunas Pamarisudhan tur wong istri punika mangda katampenin,
3. Ngararis icen panyambutan, mapetik, matelu bulanan, mawet Oton saha maweh aran, wawu kengin kamargiang pawiwahane punika.
4. Pariindikan asu mundung muang angelangkahi karang ulu tan kamargiang malih upakarania, kewanten indik mapati wanginia patut kalaksanayang mangdane sinah kawangsania.
5. Kunang dharmaning grehasta (makurenan/alaki rabi), kapatutania: silih asah, silih asih, silih asuh, salunglung sabayantaka.
Kang lanang patut ngayomin kula wargania, kang istri satia pati brata. Yan prade lempas, wenang sinalih tunggil masadok ring para juru.
6. Irika para jurune wenang:
 - Mituturin, yan dados.
 - Wenang gelemekin yan dados,
 - Wenang tibakin wicara manut Awig-awig Pawiwahan Ian Pakurenan.

Indik Tingkah Drati Krama

Drati tegesnia ubuhan (sato), Krama ngaran tingkah. Drati Krama ngaran tegesnia:

tatingkahan cara ubuhan/sato, luire:

1. Yaning nyuang: meme, matua, nyama tunggal ari-ari, nyama lianan.
Mamitra ngalang, makurenan tan sangkaning manut sasananing greasta,
tanpa Widhi Wadana, drati krama ngarania.
2. Salah krama, inggih punika masanggama ring sarwa sato, luire: kebo, sampi, asu lan
salantur ipun. Drati Krama ngarania.
3. Nyolong samara, tegesnia matemu sanggama tan sangkaning marabian, masenggama
ring laki setrining wong lian, punika taler kaunggahang soroh Drati Krama ngarania.
4. Sapa sira ugi malaksana drati krama, wenang katiwakin salah tur danda, ngupakara
Desa pakraman manut pararem.

Paos 99

Swadarmaning alaki rabi patut sakadi ring sor puniki:

1. Saling asah saling asih saling asuh, panunggaling idep klawan laksana.
2. Sang lanang patut ngayomin saha ngupajiwani rabiné, wadone patut
mraktyaksayang pagrehastane.
3. Sinanggeh guru rupaka arep ring preti sentanania patut ngaweruhang saha
ngupajiwani sasida sidayan.
4. Yan prade amurug I miwah 2 kengin sinalih tunggil masadok ring prajuru Desa, bilih
tan kuasa katembusang ring sang rumawos (Pengadilan Negeri) kangkat parabiane
kapalasang riwekas.

Paos 100

pawiwahan prasida kawusanang malarapan antuk kapademan miwah palas maparabian:

1. Wusan mapikuren riantukan sinalih tunggil seda/padem mapiteges balu, minakadi balu lanang wiadin balu luh.
2. Palas maparabian wenten kalih paos, inggih punika sangkaning wicara miwah sangkaning lila sinalih tunggil sane kawastanin nyapian.
3. Nyapian sangkaning wicara patut sinalih tunggil atur supeksa pailikitan riin ring iprajuru Desa salantur ipun wawu kengin katembusang ring sang rumawos (Pengadilan Negeri).

Paos 101

Sulur palas parabiane patut sakadi ring sor: sinalih tunggil anyasar laku, cedangga, wirosa laku, matilar tan pasadok setata wak purusia tan prasida adung malih.

1. Yan wicarane katumusang antuk lanange patut macihna kadi ring sor:
 1. Sane istri drati krama/nyasar laku.
 2. Sane istri amandel sanggama wiadin maambul-ambulan salaminipun jantos 6 sasih.
 3. Sane istri cedangga Isp.
2. Yan wicarane katumusang antuk sane istri kadi ring sor puniki:
 1. Sane lanang anyasar laku.
 2. Sane lanang cedangga/wandu.

3. Tan nyanggamain sakirang ipun 6 sasih.
3. Yan prade kecaping ajeng (1) patut wadone kadanda sapunika taler (2) 3. lanange kadanda samisami 50 kg beras tur patut kasamsam ring Bale agung.

Paos 102

Yan sangkaning palas sami lila:

1. Patut naur prabea upasaksi manut ring paos 92 sinalih tunggil keni sami matenga.
2. Mungguing pangunakayane polih pahan pada (kabagi kalih).
3. Preti sentanane sinanggeh guru rupaka sinalih tunggil patut ngawehin pangupajiwa manut paos 99.3.
4. Mungguing warisan kakuasayang antuk kapurusan.
5. Mungguing pabekel/tetatadan soang-soang patut kakuasayang neri-neri.
6. Patut nepak kulkul 5 klentungan, maweweh 3 klentungan alon anut paos 35.2.

Paos 103

Yaning palas sangkaning wicara, minakadi sinalih tunggil macihna kadi aping tri pramana wenang:

1. Parabiane kapalasang.
2. Upacara pasamsam ring Bale agung.
3. Tan kengin makta arta brana tatadan.
4. Katiwakin pamidanda gung arta manut pararem.

5. Saur prabea upasaksi manut pararem.
6. patut nepak kulkul anut sakadi paos 102.6 ring ajeng.

Paos 104

Prade riwekas sang palas maparabian kasih malih ipun malih adung marabi
patut:

1. Ngalumaksanayang upacara/upakara pawiwahan.
2. Naur prabea upasaksi
3. Keni pamidanda gung arta nikel, yadiastu wit palase pecak sangkaning lila

Wiadin mawiwit wicara.

Paos 105

Mungguing swadarmaning balu inggih punika kadi ring sor:

1. Balu luh boya masentana puput ngamanggehang patibrata tan kengin
ngamargiang para dara (mamitra) asapunika taler balu muani sane nyeburin
sentana tan kengin dratikrama.
2. Paperasan mawiwit waris pangunakayan patut kakuasayang balu inucap tan
kengin kaadol, ngadeang, makidihang Ian salantur ipun yan tan polih kabebasan
sakeng pianak wiadin kulawargi sane pinih tampek sakeng pakurenan ipun.
3. I balu wenang ngidih sentana kadi ring sor:
 1. I balu kantong pageh.
 2. Sampun wenten pidabdab sadurunge sinalih tunggil lampus.
 3. Polih kabebasan sakeng kulawarga sinanggeh kapurusan.

4. Kawenangang mawiwaha malih manut kadi ring sor:

1. Yan prude polih sakeng ipianak wiadin kulawarga sinanp,gch kapurusan.
2. Yan prude nenten wenten kari somah, matua miwah tanpa pianak.
3. Prasida preti sentana sane metu sakeng pawiwahan kaping kalih polih pedum waris sakeng padruen i sentana sajawaning wenten pasubaya.

Paos 106

Balu sane inucap tan pageh makadi ring sor:

1. Drati krama wiadin paradara.
2. Matilar sakeng umah (tanjenek).
3. Yan macihna kadi ring ajeng (1,2) wenang balu ika :
 - 1 . Katundung olih pianak wiadin kulwarga kapurusan pinih tampek, yan tan madrue pianak/prade kantun alit-alit.
 2. Tan polih upon waris.
 3. Pangunakaya kewanten polih pahan sami matenga.

Paos 107

1. Yan balu sangkaning purusa kengin malih mawiwaha nanging patut taler polih kabebasan pianaknia prade wenten sane sampun bajang daa/truna.
2. Yan balu luh/muani kapurusan wit sentana patut ngidih kabebasan ipianak/kulawarga sang inangkat.

Paos 108

Mungguing sentana wenten kalih paos, inggih punika preti sentana miwah

sentana paperasan:

1. preti sentana inggih punika sentana kawetuang sangkaning pawiwahan sane sah.
2. Yaning pawiwahan nenten sah ngwetuang preti sentana kawastanin panak babinjat/astra.
3. Yan prade pawiwahan tan ngwetuang preti sentana kengin ngidih sentana antuk paperasan sane kawastanin sentana paperasan.

Paos 109

Pari indik ngangkat sentana kadi ring sor:

1. Sinalih tunggil krama yan pacang ngidih sentana patut supeksa ring kelian Banjar melatan 53 rahina sabanen dewasa paperasan).
2. Kelian inucap patut nyiarang ring Banjar kalanturang ring kelian Desa mangda kasiarang ring wewidangan Desane.
3. Sang marasa kababatan ucaping ajeng sanistane masengker awuku sabanen dewasa patut nunas baos ring kelian Desa.
4. Kelian Desa digelis maosin saha ngicenin pamutus nepeking ring sastra muah dresta seosan.
5. Kengin ngangkat sentana langkungan ring adiri.

Paos 110

papcrasan sinanggeh sah risampun mawidhiwidana, wenten ilikita saksi tur

kasiarang ring ikrama Banjar/Desa.

1. Widhi Widana upacara saha upacara mapamit ring sanggah kamulan sang meras.
2. Ilikita sulur pamerane maka buatan pracihna brana pamerasan.
3. saksi prajuru kadi kelian Desa, kelian Banjar Adat wiadin Dines sane sampun ngesiarang kadi paos 109.2 ring ajeng.

Paos 111

Kengin kaperas kanggen sentana kadi ring sor:

1. Jadma maagama Hindu.
2. Papernahan nedunang sakeng sang meras.
3. Papernahan patut kaambil sakeng purusa, yan tan wenten wawu kengin sakeng wadon.
4. Yan tan wenten kadi ring ajeng (3) wawu kengin sakama-kama.

Paos 112

Sane tan wenang ngangkat sentana inggih punika:

1. Daa tua wiadin truna tua.
2. Nanging kawenang ngangkat sentana jadma sane bekung wiadin balu.

Paos 113

1. Warisan inggih punika tetamian arta brana saha ayah ngupadi sukerti sekala niskala sakeng katurunan arep ring turunania.
2. Sane sinanggeh warisan luirnia:
 1. Due tengah sakadi karang Desa, karang kawis, kahyangan, pusaka Siwa Krana.
 2. Pangunakayan/tetamian/jiwadma utang piutang.
 3. Pamrajan/sanggah kamulan.

Paos 114

Ahli waris wiadin turunan inggih punikaa;

1. Preti sentana purusa.
2. Sentana rajeg.
3. Sentana kapurusan wiadin wadon.

Paos 115

Yan prade tan wenten ahli waris inucaping paos 114 sane sinanggeh ahli waris sakadi ring sor;

1. Katurunan purusa pernah kenceng ngunggahang makadi rerama misan wiadin mindon.
2. Katurunanpurusa pernah kasamping makadi kaponakan misan miwah mindon.

Paos 116

Swadarmaning ahli waris patut sakadi ring sor;

1. Nerima saha nguasayang tetamiarj pahan sakeng kcluhurania,
2. Ngabenang pawaris tur nglanturang upakara-upacara pitra yadnya
3. Ngrempon sanggah/mrajan/pura-pura Sinalih tunggil saha upakara-upacara Dewa/Pitra yadnya.
4. Naurin pawaris.
5. Nyeledii ayah pawaris.

Paos 117

Warisan kengin kepah manut sakadi ring sor puniki:

1. Risampun kalaksanayang pitra yadnya miwah utang utang pawaris kataurin paos 116.2,4
2. Para ahli waris polih pedurn waris pada-pada sajawaning wentgn pawet tangan seos.
3. Mungguing pari danane boya ahli waris (tan polih pedum waris) nanging kalugrayang muponin asil anut dudonan, minakadi serernkyat sesuwun pitegesnia: ahli waris polih kekalih sentana luh pojih asiki,

Paos 118

Sang sinanggeh pradana anut paos 117,3 ring ajeng sakadi ring sor:

1. Sentana luh boya ahli waris nanging kengin muponin asil warisan sakadi ring ajeng.

1. Salamin ipun dereng mawiwaha wiadin katundung antuk reramania riantukan alpaka guru.
 2. Prade ipun logika sanggraha anut paos 144 tur ngwetuaken sentana nanging tan kauningayang lanange (yayah wong rare ika) preti sentanan inucap, sinanggeh panak bebinjat/astra sakadi paos 108.2 ring ajeng, kengin mawaris pangunakayan biange kemaon.
2. Balu luh wiadin balu muani nyeburin boya ahli waris duaning duaning mapiteges ninggal kadatuan (warisan), riantukan kesah mawiwahananging:
1. Balu luh kengin nguponin asil pahan warisan sang lampus sakantune ngamanggehang pati brata.
 2. Yan prade nilar sesana minakadi mamitra, mawiwaha malih ipun tan polih muponin asil inucaping ajeng tur wenang katundung antuk pianake/matuania.
 3. Asapunika taler balu muani nyeburin duaning ipun mapawakan pradana
3. Mulih daa/truna boya ahli waris, duaning antuk pawiwahane sampun ninggal warisan, riantukan asapunika patut ipun madarsana riin arep ring ahli waris wit umahnia prasida kawehin pangupajiwa (anut kewalas arsan (pri kemanusiaan).
 4. Daa tua boya ahli waris, nanging kengin muponin asil warisan sakadi paos 117 (3) saprasida ngamanggehang swadarmaning daa tua, inggih punika duaning rerama upami sampun lampus ipun patut tan lepas ring sapari tuduh sameton lanange pinaka pangempu minakadinia, tan kengin ngadeang wiadin ngadol waris sane kapuponin inucap.

Paos 119

Ahli waris kengin tan polih pedum waris riantukan:

1. Ngentos/matilar sakeng Agama Hindu.
2. Alpaka guru rupaka wiadin guru swadyaya.
3. Sentana rajeg sane kesah mawiwaha.
4. Preti sentana mawiwaha nyeburin (ninggal kadaton).

Paos 120

Pawaris kengin mapaweweh/mapiteket rikala maurip pinaka ibahan:

1. Jiwadana/tetadan/bekel maka cihna paweweh tetep.
2. Pangupajiwa, paweweh padgatakala pawaris arep ring ahli waris macihna puponin asil kewannten.
3. Pedum pamong/raksa pahan waris padgata kala pawaris arep ring ahli waris ngantos pedum jumenek.

Paos 121

Yan wenten karang kaputungan wenang iprajuru maosin (nureksa sila-sila) tur nibakang pakarangan ika arep ring:

1. Ahli waris sakeng purusa.
2. Papernahan ka samping yan tan wenten pernah langgeng ngunggahang.
3. Prade tan wenten ucaping ajeng (1 kengin katibakang sakeng wadon

4. Yaning taler tan wenten kecaping ajeng (1,2,3) ring ajeng wawu kengin sakama-kama nanging mangda tunggal agama miwah Desa,(sajeroning Desa Adat puniki).

SARGAH IX

DRUEN DESA

Paos 122

Kahyangan sane wenten sajeroning Desa Adat puniki luirnia:

1. Kahyangan sane karempon antuk Desa:
 1. Kahyangan tiga (Pura Puseh, Pura Dalem, Bale Agung/Pura).
 2. Pura Pucak Tedung.-
 3. Pura Pucak Pagametan
 4. Pura Subak sane karempon antuk krama subak ring Desa Adat puniki.
2. Kaping kalih Kahyangan sane karempon antuk Banjar Adat:
Pura Malanting ring Bale Banjar Adat wiadin ring pasar,
3. Kahyangan Pamaksan minakadi :
 1. Pura Gunung Agung.
 2. Pura dalem Siwa Dampati.

Paos 123

Mungguing laba, pamuponia kaanggen pikenoh prajuru lan pangaci ring kahyangan soang-soang, tur kehnia kangkat munjuk lungsur, makadi kaangge panukar tegak bale Banjar, wewangunan miwah seosan punika sane taler anut ring wiguna muah tetujon sakadi paos 5.

Paos 124

Mungguing tanah drue Desa Adat puniki, wenten kalih paos inggih punika:

tanah Desa miwah karang Desa (sane sinanggeh karang kawis)

1. Sane sinanggeh karang kawis wiadin tanah tatak ayah inggih punika .
pasikian (papupulan) tanah karang Desa rauh ka tanah pacatu miwah tanah tegal,
utawi wenten taler papupulan miwah tanah pacatu wiadin tegal sinalih tunggil,
wiadin tanah karang Desa, sane sinanggeh tri mandala:
tanah tegak mrajan, tegak pamereman miwah teba.
2. Karang kawis inucap kehnia 18 manut kadi paos 1.3 .
3. Mungguing watesan karang inucap kaetang antuk prajuru mawiwit gambar .
IPEDA, makadi tanah magaleng ka luan, miwah tanah tegal/carik magale ke
teben.
4. Tanah Desa sawengkoning Desa Adat puniki wenten 2 soroh, marupa tanah ring
palemahan Desa Adat Lipah Ian tanah karang Desa tatak ayah.

Paos 125

1. Anut ring wigunan ipun ngamanggehang luih tatujon sakadi paos 5.1.2, ring
ajeng, tanah tatak ayah miwah tanah Desa paos 124.4, tan kengin kaadol,
kagadeang miwah seosan punika. Sane nyihnayang ngingsirang druen Desa
inucap.
2. Prade sahasa kedeh jagi ngadol, patut atur supeksa riin ring prajuru Desa.

3. Prajuru patut nyawisang tur niwakang pamutus ring sang pacang ngadol miwah sang pacang numbas karang inucap, minakadi sapisira, sinalih tunggil kramajagi ngadol patut kaadol rauhing ayahania.

Paos 126

1. Seosing tanah karang inucap paos 124 ring ajeng wenten malih padruean sinalih tunggil krama sane sinanggeh pangunakayan wiadin tanah Pedi/kedi.
2. Anut ring undang-undang agraria tanah inucap patut katunasang sertifikat ring sang rumawos, prasida sinanggeh tetamian/warisan riwekas.
3. Pangunakayan inucaping ajeng makadi: tanah antuka nunas, nyombak wiadin pawiwahan luir ipun: tanah jiwadana, tatadan, bekel Isp.

Paos 127

1. Krama adat puniki ngamong setra wenten 1 palebahan, sakadi paos 3 ring ajeng.
2. Yan wenten sinalih tunggil krama ngaben/matempung kadura Desa Adat patut naur pamiut keh ipun manut pararem , miwah banten panyugjug.
3. Asapunika yan jadma sios agama hindu kengin taler mendem sawa ring setra inucap, prade sampun nganutin paleletehan kadi paos 70.2 ring ajeng.

Lelangan padruen Desa minakadi tetabuhan Ian ilen-ilen minakadi:

1. Gong sane kadruenang antuk Desa Adat. .
2. Angklung sane kadruenang antuk dadia.
3. Ilen-ilen makadi arja sane karempun antuk Desa Adat.
4. Saha tapakan sane kasiwi antuk Desa Adat. .

SARGAH X

SUKERTA DESA

Paos 129

1. Yan kahyangan kahanan durmangala patut kahyangan punika kaupacarain antuk upakara sanistania aprayascitayan.
2. yan prade wenten jadma karauhan ring pura, patut kapintonin, yan tan wiakti wenang jadma ika sanistania mrayascita kahyangan inucap.

Paos 130

1. Sakaluring karang Desa patut mawates antuk tembok wiadin pagehan 1,5
2. Wates Sisi kaler miwah kangin patut kakaryanin tur kapiara antuk sang madrue karang, reh punika mawasta gegaleng ka luan.
3. Yan antuk sang madrue karang karasayang pagehan punika ngalikadin tur yan pada arsa sang madrue panyanding karang, dados wates punika ngangge pinget kewannten.
4. Wates sane marep kamargine patut katembok mangda pakantenan ipun renes/asri.
5. Asapunika taler yan wenten karang kabebeng, wenang i prajuru Desa ngutsahayang mangda kopicain margi karang ika.

Paos 131

Sinalih tunggil krama Desa Adat puniki tan kalugrayang sakadi ring sor:

1. Ngalah-ngalah karang Desa, tanah Desa, tegal carik, margi Isp.
2. Ngalah-ngalah tanah setra, kahyangan Isp.
3. Prade wenten inucaping ajeng (1) wenang kadanda manut pararem, asapunika taler prade wenten sakadi (2), wenang sajaba danda manut pararem maweweh prayascita.■

Paos 132

Indik tanem tuuh patut sakadi ring sor puniki:

1. Ngawit nanem tanem tuuh patut adepa agung (1,5 m) ngajroang sakeng wates.
2. Diprade ri wekas tanem tuuh inucap ngaliwatin wates wastu mayanin ka pisaga wenang kasepat gantungin.

Paos 133

1. Tan kengin wit taru mentik sajeroning wates.■
2. Miwah tan kengin wit taru ngalintangin wates.
3. Prade wenten kadi ring ajeng (1), wenang wit taru ika kaebah tur pinaro tiga, asiki katiba ring Desa, kekalih katiba ring sang nuenang wates.
4. Prade wenten kacihnan sakadi kecaping (2), wenang wit inucap kataban/kadruenang antuk sang madrue tanah sane kaentikin ngalintangin wates.

1. Tan kalugrayang papayonan ngungkulin mawastu mayanin kapisaga.
2. Yan wenten inucaping ajeng sang kajerihan patut atur supeksa ring prajuru.
3. Prajuru patut mituduhin sang nruenang, mangda pepayonan inucap katotor, kapunggel, wiadin kaebah, sanistania kasepatgantungin panotorania.
4. Panganilaksanan inucaping ajeng (3), salamin ipun kawehin tempo 2 wuku ngawit sakeng rahina sapari tuduh iprajuru.
5. Yan prade amurug kecap (3, 4,) kengin sang rumasa ajerih notor wiadin ngebah tur daging kayu katiba ring sang ngebah.
6. Yan prade durung taler wenang pituduh (3,4), sakadi ring ajeng, papayonan raris empak/pungkat tur mayanin, sang madrue luput sakeng kaiwangan.

Paos 135

Sane wenang keni pamrascitayan sanistane miwah negen prabea wewangunan sane karusak minakadin ipun :

1. Sang nruenang taru sane sinanggeh mayanin, prade pungkat ngarubuhin wewangunan, jadmua muah sane seoasan.
2. Sang notor munggel wiadin ngebah kayu, pungkat ngrubuhin tur ngrubuh mayanin, wewangunan krama/jadmua seoasan.
3. Sakewanten yan wenten taru rubuh tan naen manawita sinanggeh tan mayanin riin, sang nruenang luput sakeng prabea mungguing taru inucap kabukti sang keni baya.

Paos 136

1. Sajawaning toyan sabeh tan Yogya ngembahang toya wit: badan wewalungan, puaregan lan salanturipun. sane ngawetuang ambu kaon ka pekarangan krama/jadma seos miwah ka margine, ka telabah/tukad.
2. Tan kapatutang ngentungang luu sakaluire miwah wangken ubuh-ubuhan ka pakarangan krama/jadma seos kamargine/ka tukade.
3. Palinaksanan (I,2), patut ngaryaning genah/bangbang soang-soang.
4. Yan prade mamurug kecaping (1,2, 3), ring ajeng, bilih-bilih wenten makoratan ka tukade, wenang jadma ika kadanda manut pararem.

Paos 137

Pari indik wewangunan patut sakadi ring sor puniki:

1. Ngangge gegulak asta kosala kosali.
2. wewangunane tan yogya ngayubin ka pisaga.
3. Yan prade wenten sakadiS (2), wenang keni danda manut pararem, tur wewangunan inucap kengin kagubar.

Paos 138.

1. Sahanan warga Desane miara sakaluring wewalungan, patut sayaga nitenin negul utawi nglogor mangda tan ngrusakin karang/abian, bilih-bilih mangda sampunang jantos ngranjing ngletellin kahyangan.
2. Prade wenten wewalungan ngelcb, saha ngranjingin pakarangan seosan -sang madrue pakarangan patut malungguhang ring sang madrue wewalungan.

3. Bilih-bilih yan wenten ngawenang karusakan kadulurin antuk nunasang baos ring kalandia mangda katiwakin pamidanda manut pararem, suku kalih, miwah nikel suku pat, saha sami ngawaliang upon-upon.

Paos 139.

1. Bilih ring asasihe jantos ping tiga sampun kapalungguhang wewalungania wenang kataban kadulurin antuk nguningayang ring i kelian Banjar.
2. Prajuru patut niwakang pamutus arep ring sang nruenang wewalungan inucap tur wewalungan katebus nikel sakadi dedendan kecaping ajeng.
3. Prade ring asasihe ping tiga kataban kadi ring ajeng wenang wewalungania kaambil tan tebusan, tur pamarginia naban puniki malarapan antuk kabebasan kelian Banjarnia.
4. Pikolih pamidandan panaban kapinara tiga luirnia:
 1. Asiki sang naban, prade karusak ring sang Banjar/Desa..
 2. Asiki prajuru Desa/Banjar prade ngrusak ring Banjar/Desa.
 3. asiki ring Banjar/Desa prade ngrusak ring Banjar / Desa.

Paos 140

1. Prade wewalungan sane ngeleb ngranjing ka kahyangan sang nruenang kasisipang antuk danda prabeaning upakara pamarisudan sapatute, sanistan ipun pamrayascitayan.
2. Tata caraning malungguhang naban miwah nebus pateh kadi munggah ring paos 139 ring ajeng.

Paos 141

Sajeroning upeti yan wenten sinalih tunggil krama istri madue oka/kembar, lanang istri kekalih wiadin langkungan mungguing upacara-upacarania kasuksrahang ring wiwekan sang tri manggalaning yadnya. .

Paos 142

Sajeroning Stiti wenten sinanggeh sakadi ring sor:

1. Tan yogya memamah drengki, nestiy neluh, neranjana.
2. Cor patut kantun kamanggehang.
3. Yan wenten sinalih tunggil inucaping ajeng 1, sang kalaran patut masadok ring prajuru.
4. Risampun prajuru maritetes.tur wenten prasihna tri pramana (saksi, ilikita, bukti) kengin jadma ika kasepekang tur kanoroyang makrama.

Paos 143

1. Sapisira ugi wak purusia tan kasawerin kengin jadma ika ngawinang leteh pagenahan/palinggih miwah sang kakaninin.
2. Sapisira ugi wak purusia tur kasawerin wastu jadma kekalihan ngletehin pagenahan/palinggih.
3. sang kakaninin inucaping ajeng 1 , patut asadu ring prajuru..

4. Risampune iprajuru maritetes, anut niwakang pamutus ring sang wak purusia inucap, yan ring genahe marupa palinggih wenang marisuda tur kadanda pamrascitan raga arep ring sang kakaninin.
5. yan prade inucaping ajeng 2, wenang sami-sami pamrayascita miwah denda arta manut pararem sane kawastanin bea pacamil.

Paos 144

Ungguhan kayikane kadi ring sor puniki:

1. Sajeroning masenengan tan kengin logika sanggraha, salah krama, drati krama, mamitra ngalang Isp..
2. Logika sanggraha mapiteges daa truna masenengan kewanen tan mawiwaha.
3. Salah krama mapiteges masenengan ring buron.
4. Drati krama salah sinunggi masenengan arep ring sang istri/rabi sang mapikuren.
5. Paradara: salah sinunggil daa masenengan arep ring sang lanang sampun mapikuren.
6. Mamitra ngalang: salah sinunggil balu wiadin _nyapian masenengan sakewanten tan mawiwaha.
7. Sapasira ugi malaksana kadi kecaping ajeng 1, patut ngupakara tur sang malaksana sakadi 3, wenang kapalasang tur buronia kararung ka sajeroning segara, sang malaksana kadi 4, wenang kapalasang pawiwahane tur kajangkepeng arep ring sang masenengan inucap, sang malaksana kadi 5, wenang dane kawiwahang, miwah sang malaksana 6, wenang kajangkepeng mawiwaha.

Paos 145

Sajeroning panca baya patut pratingkahe kadi ring sor:

1. Jiwa baya sakadi kabaak, kakaninin, kapalagendang, kepet patinia Ian salantur ipun, patut mitulung antuk suaran kulukul sakadi ucaping paos
35.2,7, tigang tulud bulus.
2. Sapasira makardi wayaning jjiwa sakadi ucaping ajeng, patut ngupakara sakala niskala sang kabayanin, sekalania makadi naurin prabea nguasang tatu wiadin ngawaliang susud nama sang kalaran, miwah niskalania sanistanipun mrayascita sang kalaran saha danda manut pararem.

Paos 146

1. Sapasira ugi sinalih tunggil kapandungan patut atur supeksa ring prajuru.
2. Prajuru sakadi kelian Desa kasanggra antuk panyarikan miwah kelian Banjar Adat patut nimbangin tur nibakang pamutus ring sang kicalan miwah dustane..
3. Prabea pamutus inucaping ajeng katiba ring dusta luirnia:
 1. Prabea ngwaliang upon manut pangargan barang sane kapandung ring sang kicalan.
 2. Naur pangupakara Banjar/Desa sanistania pamrascitayan wiadin antuk danda geng arta manut pararem, miwah pangargan barang Sane kapandung.

Paos 147

1. Yan wenten sinalih tunggil daa kapalagendang sapasira ugi sane taen patut pramangkin matur ring prajuru.

2. Yan wenten sinalih tunggil krama kabalabaran, katunuan, karubuhan patut sang amanggih ngukul mapitulung.
3. Sapasira ugi sinalih tunggil duracara ring agama patut keni pamarisudhan Desa, sanistane pamrayascitayan.

Paos 148

1. Yan wenten sinalih tunggil krama seda/padem ngulah pati miwah salah pati wenang kaupacara sajeroning paumahania.
2. Mungguing patirta yadnyane nganut sengker wiadin wawu kengin kaabenang risampun upakara ulah pati/salah pati inucap genep kalaksanayang.
3. Margi ka setra tan yogya sajawaning mamargi bragade.
4. Prade amurug kadi ring ajeng, wenang jadma ika marisuda karang/ tegal sang kaentasin sawa sanistane antuk pamrayascitan.

Paos 149

Nuba ulam ring telaga sawah miwah tukad kadanda manut pararem Desa miwah awig-awig subak sajeroning Desa Adat.

Paos 150

Kertaning mebat sakadi ring sor:

1. Sapasira sinalih tunggil krama nunas panyanggran Banjar/Desa jagi mebat, patut ngaturin I Banjar makadinia : ulam, bakal basa, klapa minyak saha saang.

2. I Banjar ngolah mangda prasida ugi ulam sanistaning 2 kg dados pajagan tetiga, yan sangu dados tigang bale, yan prade langkungan kalebihan ipun kabagi kalih: asiki katiba sang nruenang miwah asiki katur ring Banjar.
3. Rikalaning mebat tan wenang nyeceb, nyicipin, sajawaning sane ngadonang, nyicipin rasan ebatan punika.
4. Yan prade umurug inucaping ajeng (3) wenang kadanda sakadi ring sor:
 1. Nyeceb sesate nunggil akatih, urab satunggil acokotan, miwah gorengan satunggil atebih soang-soang kadanda manut pararem.
 2. Ulam matah nikel pangargan ulam manut pararem.

SARGAH XI

INDIK WICARA, PAMIDANDA LAN RERAMPAGAN

Paos 151

1. Sane wenang maosin makadi mutusang wicara ring Desa luire:
 1. Kelian Banjar Adat prade sang mawicara sami-sami patunggilan beBanjaran.
 2. Kelian Desa Adat prade sang mawicara mabinayan beBanjaran.
2. Prade sang mawicara tan wenten cumpu, ring tata caran kelian adat maosin minakadi pamutusnia, wenang nunas bebandingan ring kelian Desa.
3. Pamutus kelian Desa inucap ring ajeng (2), sinanggeh wesanan bebaosan ring Desa.
4. Prade tan wenten taler cumpu ring kaputusan kelian Desa, kengin nunasang wicara inucap ring sang rumawos (Parisada rauh ka Pengadilan Negeri).

Paos 152

1. Sahanan wicara sane mawiwit kacorahan sakaluire: miwah sinanggeh nungkasin awig-awig, pasuara miwah pararem Desa utawi Banjar patut pramangkin kabawosin tan nyantos pasadok.
2. Warga Desa sane kaberatan ring pamutus kelian Desa wenang nunas bebandingan ring Pemerintah/Pengadilan Negeri. .

Paos 153

1. Sahanan wicara patut katepasin jantos pastika janten iwang patute, malarapan antuk tri pramana.
2. Pamutuse patut tan maren nepek ring catur dresta (sastra dresta, loka dresta, Desa dresta, kuna dresta).
3. Sahanan pamutus tan maren ngupadi :
 1. Mangda warga Desane sayan pastika uning ring wewatesan iwang patut.
 2. Mangda sang kaon tatas uning ring kaiwangannya.
 3. Sang molih tan maren katuntun mangdane sampunang bes nginggilang kapatutannia lila legawa nyanggra sang sisip.

Paos 154

1. Kelian Desa/Banjar Adat patut nunasang pamuput ring sang rumawos; prade wenten warga Desa amandel ring pamutusan bilih-bilih yan pastika ngawinang duskertan Desa.
2. Warga Desa sane kaberatan ring pamutus kelian Desa wenang nunas bebandingan ring Pemerintah/Pengadilan Negeri.

Paos 155

1. Desa utawi Banjar wenang niwakang pamidanda ring krama Desa sane sisip.
2. Paniwak inucap kalaksanayang ring i kelian Desa utawi Banjar Adat nuggil-nunggil manut dudonan.

3. Bacakan pamidanda luire:
 1. Ayahana panukun kasisipan.
 2. Danda arta.
 3. Panikel utawi dedendan.
 4. Upakara panyangaskara (kawusang) makrama.

Paos 156

1. Pamidanda sane katiwakang patut manut ring awig-awig, pasuara pararem, utawi dresta miwah agama, saha adung ring kasisipan, tan maren ngupadi darma kawelasarsan (prikemanusiaan) pinih ajeng maka buatan ngawetuang kasuda malan Desa.
2. Jinah utawi brana pamidanda ngranjing dados druen Banjar / Desa manut dudonan.

Paos 157

1. Krama sane langkungan ring tigang sasih amandel utawi negungin urunan miwah dedosan wenang karampag.
2. Tata caraning ngrampag patut tan mari makadi ring sor:
 1. Kalinaksanyang olih kelian Banjar Adat, kasarengin krama pinaka saksi saakehe tigang diri.
 2. Sang karampag tan dados ngalangin sang ngrampag, tan maren nyaksinin pamargin rerampagane.
 3. Sang ngrampag sangkaning darsana ngambil barang-barang rerampagan anut ring agung alit utang ikrama, utawi nyawenin tanem tuuh (tanggungan) sane karampag.

4. Kelian Banjar Adat miteketin mangda barang rerampagan gelis katebus, masengker sia rahina, ring dasa rahinane pacang kalelang.
5. Rerampagane kasengkerin manéda sampunang ngenenin saluir barang sane patut inggilang manut agama.

SARGAH XII

PARAREM MIWAH PASUARA

Paos 158

1. Paruman Desa utawi Banjar patut ngamedalang pararem anggen nyangkepin awig-awignia nunggal-nunggal.
2. Daging sahanan pararem sailoan awig-awig.
3. Sane patut unggahang pararem minakdinipun:
 1. Dewasa ngawitin pamargin awig-awig sane mabuat.
 2. Parincikan panyahcah daging awig-awig sane mabuat.
 3. Agung alit panikel, danda-danda ISP.
 4. Tata sulur ngamargiang awig-awig.
 5. Sahananing indik sane seos-seosan, anggen nyangkepin daging awigawig.

Paos 159

1. Paruman prajuru wenang ngamedalang pasuara-pasuara nyangkepin daging awig-awig Desane.
2. Daging pasuara tan maren patut :
 1. Sailoan ring awig-awig.
 2. Manut ring adat, agama miwah catur dresta.
 3. Pastika nyantenang dewasa ngawit pamarginia.
 4. Nyantenang agung alit dedendania yan kapurug.

SARGAH XIII

NGUWAH-NGUWUHIN AWIG-AWIG

Paos 160

1. Nguwah-nguwuhin awig-awig puniki kalaksanayang antuk pararem Desa.
2. Pararem puniki mangda kadasarin antuk pakarsan krama Desa Adat maka sami.
3. pamutus baos mangda kadasarin antuk sagilik saguluk.

Paos 161

Pararem indik nguwah-nguwuhin awig-awig kadi ring ajeng paos 160, dados kamedalang olih benDesa Adat, prajuru adat, makadi kelian-kelian Banjar Adat, diastu paragayan miwah sinarengan.■

Paos 162

1. Sakaluring sane sampun wenten saderengnia, patut kaanutang ring awigawig puniki.
2. Sakaluring sane durung kabaos sajeroning awig-awig puniki, tetep kalinaksanayang manut tata cara sane sampun mamargi.
3. Kelian Desa ritatkala ngamargiang sadaging awig-awig miwah usaha
Desa patut tan maren:

1. Sailon utawi mawirasa ring sahanan para yogya sane taler ngawiwenang krama Desane, minakadi pakaseh, perbekel.
2. Kelian Desa/Baujar Adat kerengayang taler pituduhnyane sajeroning pelaksanaandaging awig-awig puniki.


Paos 163

1. Para panganut agama seosing Hindu tur magenah ring sawewengkoning Desa Adat Lipah, nenten kakeninin ring daging awig-awig puniki nanging kaetang antuk kelian Dinas miwah Perbekel.
2. Ngwentenang galah pangala Desa mangda krama Desane polih ngupadi pangupajiwa, nincapang pangweruh, miwah usaha neri-neri seosan.
3. Panganut agama inucaping ajeng (1) patut polih pitulung sajeroning baya.

Paos 164

1. Awig-awig puniki mabantang antuk awig-awig se desa Petang sane kararemin duk warsa 1975, raris kaanutang ring kawentenan Desa Adat Lipah, tur kararemin ring Bale Banjar Lipah duk rahina Weraspati, Kliwon, Langkir, tanggal masehi 1 Januari 2015.
2. Awig-awig puniki kalingga tanganin olih Kelian Banjar Adat kasarengin Kelian Desa Adat, saha kasaksinin olih Kelian/Kepala Dinas miwah Perbekel Desa Petang saha kapikukuh antuk Camat Ian Bupati.
3. Luir Sang Alingga tangan:

1. Kelian Desa Adat Lipah



I Gusti Ngurah Purwita

2. Kelian Banjar Adat Lipah



I Gusti Ngurah Purwita

එක සක්‍රී සක්‍රී

Maka saksi-saksi:


3. Kelian Banjar Dinas Lipah
I Gusti Lanang Putra Astawa

4. Perbekel Petang
I Wayan Suryantara, SH.


CAMAT PETANG
GUSTI PETU ARIAWAN, S.Sos.
NIP. 19641231 198602 1 092


BUPATI BADUNG
ANAK AGUNG GDE AGUNG

අධිකාරී ආචාර්ය ආචාර්ය